


資治通鑑綱目

正編
四十三下

內閣文庫		
番號	漢	1837
冊數	107 (63)	
函號	國	6 1



資治通鑑綱目卷之四十三 下册

大明習史官陳仁錫評閱

戊辰十六年春正月嶺南獠反命楊思勗討平之

爾宜未有不殘酷者宜以為戒

嶺南獠反陷四十餘城思勗捕斬之思勗用兵所向有功然性殘酷所得俘虜或生剝其面或掣去頭皮蠻夷憚之

質實

嶺南道名注見秦始皇三十三年

以宇文融充九河使

融請用禹貢九河故道開稻田并回易陸運錢官收其利興沒不息事多不就

集覽

通鑑綱目

卷之四十三 唐玄宗開元十六年

全

正編

陸運錢先是江淮漕租米至東都以車或馱陸運至陝以待水使其水運一斛得八斗為

成勞陸運率兩質實九河故道注見漢斛計庸錢千成帝建始四年

二月以張說兼集賢院學士

說雖罷政事專文史之任朝廷每有大事上常遣中使訪之

改曠騎為羽林飛騎質實羽林軍名注見漢順帝永建元年

秋八月行開元大衍曆金吾將軍杜賓客破

吐蕃于祁連城質實祁連城注見漢冬十一

即一行所造推大衍數立術以應氣朔及日食以造新曆

月以蕭嵩同平章事十二月立長征兵分番

酬勳法

敕長征兵無有還期人情難堪宜分五番歲遣一番還家洗沐五年酬勳五轉

制戶籍三歲一定分為九等

已十七年春三月朔方節度使信安王禕攻吐

蕃拔石堡城

初吐蕃陷石堡城留兵據之侵擾河右上命朔方節度使信安王禕與河西隴右同議攻

兵

能

通鑑綱目 卷四十三

取諸將咸以為石堡險遠難攻，禕不聽。引兵深入，急攻拔之。分兵據要害，拓地千餘里。上

大悅，更命曰振武軍。**集覽**石堡城在吐蕃中鄯山，其城堅，三面險絕，惟一徑可上。

質實一統志云信安本秦時會稽郡太末縣地名，東漢置新安縣，晉改曰信安，屬東

陽郡。隋初屬婺州，唐初置衢州，治此。咸通中改為西安縣，宋金元仍舊。本朝因之為衢

州府治所，仍屬焉。**河西**郡名，注見漢安帝元初元年。隴右道名，注見秦王政三年。隴西要

害，注見漢文帝十一年。

書法石堡唐故境也，不書復。書攻拔何，議事邊功也。

限明經進士及第每歲毋過百人

觀楊場二奏見唐之輕于取士

國子祭酒楊場奏：流外出身，每歲二千餘人，而明經進士不能居其一，則是服勤道業之士不如胥吏之得仕也。臣恐儒風浸墜，廉耻日喪。若以出身人太多，則應諸色裁損。又

奏主司帖試明經，不求大指，專取難知，問以孤經絕句，或年月日，請自今並帖平文，上甚

然。**集覽**流外杜佑通典曰：隋置九品，品各有從，自四品以下，每品分上下，自太師

始焉，謂之流內。後又有視流內，唐因隋制，又置九品，自諸衛錄事及五省令史始焉，謂之流外。其流外兵部禮部舉人郎官得自主之，謂之小選。明經所試一大經，并孝經論語爾

通鑑綱目 卷四十三 唐玄宗開元十七年 正編

雅其他有差帖皆通而口問之一經問十義得六者為通問通而後試策凡三條三試皆通者為第進士所試一大經併爾雅帖皆通而後試文試賦各一篇文賦通而後試策凡五條三試皆通者為第道業道謂所蹈履業謂所肄習胥吏胥給徭役者吏掌書者謂流外人通典曰凡府寺胥吏守局既久積月累勞故得齒於下品諸色猶言雜科也如陰陽筮卜圖畫功巧造食音聲天文之流帖試謂以所習經掩其兩端中間推開一行裁紙為帖凡帖三字隨時增損可否不一或得四得五得六者為通孤經絕句章句斷絕其疑似可以惑人故謂之孤絕也帖平文試以平易之文也通俗文四題賦曰帖

書法

書限何譏也於是諸色入仕無所裁損獨限明經進士故書譏之

發明

以天下之廣吏員之衆而明經進士歲止百人則取士之塗隘可知矣楊賜之言非不明白玄宗雖是其說然亦未聞有所施行直書于冊其失自見孰謂唐以得人為盛哉

夏四月禘于太廟

唐初禘則序昭穆禘則各祀于其室至是太常少卿韋縉等奏如此則禘與常饗不異請序昭穆從之

集覽

禘注見漢平帝元始五年禘注見漢後主建興十五年縉他刀

反 **質實** 昭穆注見漢光武建武十九年

五月復置按察使○杜暹李元紘源乾曜罷以

宇文融裴光庭同平章事蕭嵩兼中書令

張說張嘉貞李元紘杜暹相繼為相源乾曜以清謹自守唯諾署名而已元紘暹議事異同更相奏列上不悅貶暹荆州長史元紘曹州刺史乾曜罷為左丞相以融光庭平章事嵩兼中書令 **質實** 荆州注見漢獻帝建安十三年南郡曹州注見漢光武建武八年濟陽

秋八月以帝生日為千秋節

八月五日。上以生日宴百官於花萼樓下。丞相源乾曜張說表請以是日為千秋節。布於天下。咸令宴樂。移社就之。范氏曰。太宗不以生日宴樂。以為父母劬勞之日也。乾曜等以人主生日為節。又移社以就之。夫節者。陰陽氣至之候。不可為也。社者。國之大祀。不可移也。明皇享國既久。驕心浸生。乾曜與說不能以義正君。又為諂首。以逢迎之。而後世猶以二人為名臣。不亦異乎。 **質實** 花萼樓注見

書法 生日宴樂舊矣。未以節名也。源張導諛而侈費。自此廣矣。書曰。以帝生日

為千秋節，咎以為者也。○後世以人君始生之日為節，而表賀之始此。

發明

自唐玄宗以生日為千秋節，其後遂踵為故事。內自朝廷，外及郡邑，張樂設宴，號為聖節，而不知貪官虐吏，並緣為姦。於是陪歛民財，強奪橫取，蔬果魚肉之屬，自市井以及村落，均受其害。宴席未設，而吏卒之家，醉釀飽鮮，已厭飫斯民之膏血矣。甚至拘平民子女以為妓，否則漁取天得利而後止，名為臣子尊君，而其實為漁利之階，號為祝延聖壽，而其實為歛怨之府。號啼咨嗟，赴愬無所，椎剝烹殺，暴殄尤甚。以是而欲增延睿筭，吾誰欺，欺天乎！然承襲已久，雖仁人君子，感頌不忍，亦未敢

發一言以及之者，蓋其為名甚尊，稍涉擬議，則人得以不敬君父之罪加之矣。必有英明果決之君，卓然知其為民之害，出於由衷，奮發剛斷，罷而去之，法太宗劬勞之念，不為宴樂，雖聖節之名不廢，而漁蠹之患斯泯，不奪於流俗之見，不搖於諛臣之請，則其愛民及物之實德，增益福祚，豈不既多矣乎！不然，拜表一通，望闕稱賀，亦足見臣子尊君敬上之意，豈必張大宴設而後為敬哉！况是禮不出于盛帝明王，而出于漸不克終之君，自我作古，不為玄宗而為太宗，豈不甚盛甚美，綱目於此特書以帝生日為千秋節，蓋亦志作俑之始也。任是責者，豈非張說源乾曜輩乎！惜哉！

賢

工部尚書張嘉貞卒

嘉貞不營家產，有勸其市田宅者，曰：吾貴為將相，何憂寒餒？比見朝士，廣占良田，身沒之日，適足為無賴子弟。弟不仕，嘉貞亦不取也。

禁私賣銅鉛錫

勅以人間多盜鑄錢，始禁私賣銅鉛錫，及以銅為器皿，其采銅鉛錫者，官為市取。

退

貶宇文融為汝州刺史

融性精敏，應對辯給，以治財賦得幸，廣置諸使，競為聚斂，由是百官浸失其職，而上心益

融之遺害無窮

後百姓苦之，在相位謂人曰：使吾居此數月，則海內無事矣。信安王禕以軍功有寵，融疾之，使御史李寅彈之，禕聞之，先以白上，明日寅奏果入，上怒，融坐貶。既而國用不足，上復思之，會有飛狀告融，融賄隱沒官錢事，坐流巖州。道卒，然是後言財利以取貴仕者，皆祖之。

集覽

廣置諸使，時置立括田等使二十九人，飛狀如語無姓名告狀者，顏師古

曰：言不知所從來。

質實

汝州注見漢光武建武二年，梁縣巖州未詳沿革。

冬十月朔日食

不盡如鉤

天象

進

通鑑綱目 卷四十三
庚午 十八年春正月以裴光庭為侍中○二月初

令百官休日選勝行樂

荒淫之失
見矣

初令百官於春月旬休選勝行樂自宰相至員外郎凡十二筵各賜錢五千緡或御花萼樓邀其歸騎留飲迭使起舞盡歡而去

集覽

旬休每十日賜與百官一休假也選

勝選擇勝

繫去處

書法

書初令何譏教逸也欲逸人心之所不免也上復令之莫敢不從矣自是

以至於天寶

之亂故書初

發明

書曰儆戒無虞又曰無教逸欲有邦當是之時君戒其臣以風夜出納惟

允臣戒其君以一日二日萬幾夫以雍熙盛際至治之極君臣相與告戒者如此則其餘從可知矣開元之時雖曰民物阜康然猶未及唐虞之盛而驕怠之萌已駸駸乎不可遏其不克終之漸蓋已形見于此書初令百官選勝行樂則玄宗侈大自滿之意為如何哉治道雖欲加進尚可得乎

夏四月築西京外郭

九旬
而畢

興

通鑑綱目

唐玄宗開元十八年

天

正編

以裴光庭兼吏部尚書

可免躁競

無以處才
俊選法從
此遂壞

先是選司注官，惟視其人之能否，或不次超遷，或老於下位，有出身二十餘年不得祿者。光庭始奏用循資格，各以罷官若干，選而集，官高者選少，卑者選多，無問能否，選滿則注，非負譴者，有升無降，庸愚皆喜，謂之聖書。而才俊之士，無不怨歎。宋璟爭之，不能得。各以罷官若干，選而集，各以謂下文官高者卑者也，罷官謂罷劇就閒者也，若干數未定之辭，不拘多少，為一選，聚集而銓注也。如天寶二年，選人集者以萬計，是已。

書法

兼官未有書者，書光庭何譏也。用循資格，自光庭始，故謹志之，是故志罷

四時選之失，則馬周以攝書志，用循資格之失，則光庭以兼書吏部尚書，綱目每謹之。書

兵

六月以忠王浚領河北道行軍元帥，帥十八總

管討奚契丹

考證 討當作伐

浚即陝王嗣昇，更封改名也。初契丹王李邵固遣可突干入貢，李元紘不禮焉。張說曰：可突干狡而狠，專其國政久矣，人心附之，今失其心，必不來矣。至是可突干弑邵固，叛降突厥，制以忠王浚領元帥，御史大夫李朝隱、京兆尹裴佑先副之，帥十八總管以討奚契丹。

通鑑綱目 卷四十三 唐玄宗開元十八年 正編

一舉而誅
亂服叛惜
負此勝事

通鑑綱目

卷四十三

三

命浚與百官相見張說謂人曰吾嘗觀太宗畫像雅類忠王此社稷之福也然浚竟不行

質實

陝州名注見周顯王四十五年一統志云忠州名本春秋戰國時巴地秦屬巴

郡漢置臨江縣東漢未屬永寧郡梁置臨江郡後周兼置臨州隋郡州俱廢義寧初復置臨州唐改忠州以巴臣蔓子及郡守嚴顏皆著忠烈故各天寶初改南賓郡乾元初復為忠州隸山南道宋陞為咸淳府元復為忠州併臨江縣入焉本朝因之改隸重慶府

書法

奚契丹自開元以來皆書擊此其書討何討弒君也綱目之筆削嚴矣

洛水溢

質實

洛水注見漢高后三年

滿千餘家

冬十月吐蕃遣使入貢

吐蕃兵數敗而懼乃求和親忠王友皇甫惟明因奏事從容言和親之利上曰贊普嘗遣唐書倖慢此何可捨對曰贊普當開元初年尚幼穉安能為此殆邊將詐為之欲以激怒陛下耳夫邊境有事則將吏得以因緣盜匿官物妄述功狀以取勲爵此皆奸臣之利非國家之福也兵連不解日費千金河西隴右由茲困弊陛下誠命一使往視公主因與贊普相約結使之稽顙稱臣永息邊患豈非御夷狄之長策乎上悅命惟明與內侍張元方

洞悉利弊
但和親則
不可

通鑑綱目

卷四十三

三

正編

唐玄宗開元十八年

使于吐蕃贊普大喜遣其大臣論
 名悉獵隨惟明入貢遂復欵附
 名悉獵吐蕃大臣之名也其
 俗不言姓應王族皆稱論
 年

集覽 論名
 從容注見
 秦二世

質實

是歲天下奏死罪二十四人

胡氏曰以文觀之九州之大一歲死罪止於
 如此幾於刑措矣以實論之玄宗方以奢汰
 逸樂教有邦則訟獄曲直安得一辨白無
 乃慕刑措之名有當死而幸免者乎然則奸
 猾逋誅而平人
 冤抑者眾矣

若非奢汰
 逸樂之朝
 則四罪應
 無漏網

辛未 十九年春正月王毛仲有罪賜死

初毛仲以嚴察幹力有寵百官附之輻湊毛
 仲嫁女上問何須毛仲頓首謝曰臣萬事已
 備但未得客上曰知卿所不能致者一人耳
 必宋璟也朕為汝召客明日詔宰相與諸達
 官詣之日中璟乃至先執酒西向拜謝飲不
 盡庖遽稱腹痛而歸其剛直之操老而彌篤
 如此毛仲與龍武將軍葛福順為婚吏部侍
 郎齊澣言於上曰福順典禁兵不宜與毛仲
 為婚且毛仲小人寵過生奸不早為之所恐
 成後患上然其言澣曰君不密則失臣願陛
 下密之退以語大理丞麻察察遠奏之上怒
 制澣察交構將相離間君臣皆貶嶺南由是

士氣

賢

死一毛仲
龍一力士
驅狼進虎

毛仲驕恣日甚，福順倚其執，多為不法。毛仲求兵部尚書，不得，怏怏。上由是不悅。時上寵任宦官，往往為三品將軍門施棨戟，奉使所過，賂遺少者千緡。京城第舍郊畿田園，參半皆宦官矣。楊思勗高力士尤貴幸，毛仲視之若無人。毛仲妻產子三日，上命力士賜之甚厚，且授兒五品官。毛仲抱兒示力士，曰：「此豈不堪作三品耶？」力士歸奏之，上大怒，曰：「昔誅韋氏，此賊心持兩端。今日乃敢以赤子怨我，力士因言北門奴官太盛，不早除之，必生大患。」上恐其黨驚懼為變，貶毛仲福順等於達州。追賜毛仲死，自是宦官勢盛，力士尤為上未所寵信。表奏皆先呈之。

集覽 達官，顏真卿傳：諸司長官者，達小事，即決執傾內外。

官也，皆得專達於天子。**棨戟**，注見漢宣帝甘露三年。參半，參倉含反。三相參，曰參，猶言太半也。北門奴官，唐分宦寺為北司，故稱北門。初制宦寺不任以事，惟廷內掃除，故稱奴官。

質實 輻奏，注見漢文帝六年。

以詩書賜吐蕃

吐蕃使者稱公主求毛詩春秋禮記，正字于休烈。上疏曰：東平王漢之懿親，求史記諸子漢猶不與，况吐蕃國之寇讐，今資之以書，使知權畧，愈生變詐，非中國之利也。裴光庭等奏吐蕃久叛，新服，因其有請，賜以詩書，庶使漸陶聲教，化流無外。休烈徒知書有權畧，變

詐之語。不知忠信禮義。皆從書出也。遂與之。

質實

于休烈高陵人志寧曾孫東平

王名蒼漢明帝母弟

注德

上躬耕于興慶宮側。

考異

上當作帝

質實

興慶宮注見開元二

年

盡三百步

書法

書嘉重農也。綱目籍田外書耕四。未巡幸于外將有事者也。若玄宗則誠所謂重農者矣。是時玄宗猶有可書之善。故綱

綱目詳之。躬耕興慶宮側則書。芟麥苑中則書。終綱目書耕四。詳漢武帝征和四年舍是無書者矣。

三月置太公廟

令兩京諸州各置太公廟。以張良配享。選古名將以備十哲。以二八月上戊致祭。如孔子禮。司馬公曰。經緯天地之謂文。戡定禍亂之謂武。自古不兼斯二者而稱聖人未之有也。豈孔子專文而太公專武乎。自生民以來未有如孔子者。豈太公得與抗衡哉。古者有發命大司徒教士以車甲。羸股肱。決射御。受成獻馘。莫不在學。欲其先禮義而後勇力也。自

明皇屬意武功故祀太公使與孔子同禮尤為過矣

孫吳以降皆以勇力相勝，狙詐相高，豈足數於聖賢之門而謂之武哉？使太公有神必羞與之同。

集覽 有發發謂徵發也。獻馘詩泮水食矣。篇在泮獻馘箋云馘所格者之左耳。音右獲反。狙詐相高各尚權謀也。楊子門道篇曰：狙詐之家，注狙猶莊子狙公朝三暮四以智籠衆，狙即狙詐之家也。

質實 太公言兵法權謀家流用此巧詐之計。注見漢桓帝永康元年，稷卨伊呂張良其先韓人也。家世相韓，秦滅韓，良為韓報讐，不果，亡匿下邳，遇黃石公，授與姜太公兵法，乃佐漢高帝滅秦。天下既定，封留侯，因謝病，辟穀，棄人間事，從赤松子遊。卒謚文成侯。先儒謂其有儒者氣象。選古名將以備十哲。唐肅宗時尊

姜太公為武成王，以歷代良將田穰苴、孫武、吳起、白起、樂毅、張良、韓信、諸葛亮、李靖、李勣十人為十哲，配享廟庭。孫吳謂孫武、吳起也。孫注見開元二十四年。吳注見中宗嗣聖七年。

書法

書譏也。於是帝事邊功，故有此置而

兆見矣。

發明

西晉惠帝之時，諸王府置官，武號森列，識者知其兵亂之未已。玄宗喜事邊功，當四方寧謐之際，乃無故置太公廟於兩京諸州間，而又致祭如先聖禮，然則

兵戈之兆蓋自此始矣抑嘗考唐志開元十九年始置太公廟以古名將為十哲配享而不言其人至上元元年始著十哲之名而居其首者乃白起耳起在戰國屠殺之多見於史冊所載其可考之數凡七八十萬人唐自太公置廟之後西北二邊用兵不已南詔之敗至於喪師二十萬眾未幾逆胡犯關四海分崩流為藩鎮之禍生民屠戮幾盡極而至於五代然後已其害豈不甚慘綱目書置太公廟所以志右武好兵之始爾天下兵禍何時而弭乎吁

天公有知
寧無遺憾

冬十二月幸東都

考異

此上亦漏帝字幸當作如

○殺雋州

都督張審素

或告雋州都督張審素賊汚制遣監察御史楊汪按之總管董元禮殺告者以兵圍江謂曰善奏則生不然則死會救兵至擊斬之汪遂奏審素謀反審素坐斬

質實

雋州

注見漢武帝元鼎六年越雋張審素河東解人

書法

審素賊汚不無罪矣其以無罪書殺何賊罪未明而罪以反則殺之不以其罪也綱目之法雖有罪而殺之不以其罪一以無罪之辭書之故審素書殺而去其官

去其官

審素之死
元禮殺之

浚苑中洛水

六旬而罷

壬申二十年春正月遣信安王禕將兵擊奚契丹

大破之

以信安王禕為行軍總管戶部侍郎裴耀卿副之與幽州節度趙含章分道擊奚契丹含章與虜遇虜望風遁去平盧先鋒將烏承玘言於含章曰二虜劇賊也非畏我而遁乃誘我耳宜按兵以觀其變含章不從與戰大敗承玘別引兵出其右擊虜破之禕等大破奚

承玘知兵

能

契丹可突干遠遁奚酋李詩瑣高帥五千餘帳來降禕乃引兵還

集覽

可突干契

丹大臣名奚酋李詩瑣高

質實

平盧鎮名注見代宗大曆

十年烏承玘張掖人承恩族弟

二月朔日食夏四月宴百官於上陽東州

醉者肩輿以歸相屬於路

敕裴光庭蕭嵩分押左右廂兵秋八月朔日

食九月開元禮成

初命張說與諸學士刊定五禮說薨蕭嵩繼之請依上元敕父在為母齊衰三年從之至是書成上之

集覽 五禮注見梁武帝天監十號曰開元禮

一年上元敕記喪服四制曰家無二尊故父在為母齊衰期者見無二尊也高宗上元中武后請父在為母服三年故曰上元敕

書法 書禮成何成之為禮也故成之為禮則前書命張說修五禮後書開元禮

成不成之為禮則前書命曹褒定漢禮而後書奏所撰制度漢章帝建和三年

冬十一月祀后土於汾陰十二月還西京

考異

按凡例還宮問無異事不書帝此間有異事還上漏帝字

初蕭嵩奏自祠后土以來年穀屢豐宜因還京賽祠上從之是歲天下戶七百八十六萬一千二百三十六口四千五百四十三萬一千二百六十五

癸酉二十一年春正月遣大門藝討渤海不克

考

證 討當作擊

初渤海靺鞨王武藝遣將寇登州殺刺史至是上遣大門藝發幽州兵討之無功而還武藝怨門藝密遣客刺之不死

集覽 渤海靺鞨王武藝注見隋文帝開皇十八年靺

鞞

質實

一統志云登州古為斟尋國唐虞時為嵎夷地春秋時為牟子國戰國屬齊秦為齊郡地漢屬東郡後魏析東萊郡地於黃縣東中郎故城置東牟郡北齊省東牟入長廣郡自昌陽縣移長廣郡治中郎城隋初廢郡置牟州大業初州廢唐復置牟州治牟平又置登州治文登貞觀間二州俱廢如意初復置登州於牟平縣神龍間徙治蓬萊縣天寶初改州為東牟郡乾元初復為登州屬河南道宋屬京都路金屬山東東路元初屬益都路後屬般陽路本朝初屬萊州府復升為登州府隸山東道

三月裴光庭卒

士氣

太常博士孫琬議光庭用循資格失勸獎之道請謚曰克其子訟之賜謚忠獻

發明

人臣之卒書爵前已論之詳矣玄宗之世大臣卒者凡十一人而

書爵者八盧懷慎王仁皎劉子元姚崇宋璟蘇頌張嘉貞九齡是已其不書爵者三光庭仙客林甫是已以是觀之可以知其選也夫光庭比之仙客林甫則有間而比之姚宋諸人則不侔矣况又用循資格賢愚同滯有如當時之議者乎不書其官非過貶也

以韓休同平章事

進

賢

士氣

主德

主德

通鑑綱目

卷四十三

左

上問蕭嵩可以代光庭者，嵩欲薦散騎常侍王丘，丘讓於韓休。嵩言之，上以為相，休為人峭直，不干榮利，始嵩以為恬和易制，故引之，及與共事，守正不阿，嵩漸惡之。宋璟歎曰：「不意韓休乃能如是。」上或宴樂遊獵，小有過差，輒謂左右曰：「韓休知否？」言終諫疏已至，左右曰：「韓休為相，陛下殊瘦於舊，何不逐之？」上歎曰：「吾貌雖瘦，天下必肥。」蕭嵩奏事常順指，既退，吾寢不安，休常力爭，既退，吾寢乃安。吾用休為社稷，耳非為身也。有供奉侏儒黃軼，上常憑之以行，寵賜甚厚。一日晚入，上怪之，對曰：「曩逢捕盜官與臣爭道，臣揪之墜馬，故晚因下階叩頭。」上曰：「但使外無章奏，汝亦無憂。」有頃京兆奏其狀，上即叱出杖殺之。

集

覽

峭直，峭本作隋，音七笑反。漢鼂錯為人峭直，贊曰：「峭峻嶮也。」俱奉侏儒黃軼供奉，宦官也。侏儒，短小人也。黃軼，姓名也。軼，蒲眠反。記樂記及優侏儒，左傳我君小子，侏儒是使。

質實

韓休，長安人，大智之子。

閏月幽州副總管郭英傑與契丹戰敗死。夏六月制選人有才行者，委吏部臨時擢用。

時雖有此制，而有司以循資格便於已，猶踵行之。是時官自三師以下，一萬七千六百八十六員，吏自佐史以上，五萬七千四百一十六員，而入仕之塗甚多，不可勝紀。

通鑑綱目

卷四十三

唐玄宗開元二十一年

左

正編

退

秋七月朔日食○冬十月左丞相宋璟致仕歸

東都

書法

綱目書致仕多矣，未有書所歸者，書歸東都何惜賢者之遠也。綱目書致

仕二十二，詳漢宣帝本始三年致仕書所歸者一而已。

○蕭嵩韓休罷

考異

按分注此條提要當接下條提要共為一條為是，其

發明當移之於後

發明

用賢去佞，人主之能事也，然所用者未必賢，所去者未必佞，則亦以主德

進

進

以裴耀卿同平章事起復張九齡同平章事。**考**

異

此條當接上條

休數與嵩爭論於上前，面折嵩短，嵩因乞骸骨，上曰：朕未厭卿，卿何為遽去？對曰：陛下未

良心不泯

通鑑綱目

卷四十三

唐玄宗開元二十一年

二十一

正編

厭臣故臣得從容引去若已厭臣首領且不
 保安能自遂因泣下上亦為之動容乃皆以
 為丞相罷政事時九齡居母喪自韶州入見
 求終喪不許胡氏曰宰相師表百僚其進必
 以禮退必以義然後人心服而政教行當是
 時朝廷非有金革危急之事而起九齡於衰
 服之中九齡非有無所避焉之義而釋齊麻
 於巖廊之上上下交失也而在九齡則尤甚
 矣且辭而不起當身居苦次今乃遠詣京師
 辭又不力九齡於是乎失正矣春秋責備賢
 者是以君集覽金革危急之事注見晉元帝
 子惜之永昌元年無所避焉之義避
 本作辟記喪大記篇金革之事無避也者注
 見同上苦次苦始占反草也孝子以為覆席

次喪次也凡言次者

質實

韶州注見晉愍帝建興三年

書法

同平章事一也別書之何重起復也杜暹為都護不書起復此何以書非

有金革之事而奪人之喪自奪其喪皆可譏也綱目書起復七詳太宗貞觀十五年

惟田布非譏辭

發明

書蕭嵩韓休罷既見忠佞之無別書起復張九齡又見使臣不以禮夫子

志寧起復為東宮官屬且猶不可况宰相師表四海者乎綱目於二人同為平章事而兩言之者書之重詞之複所以深譏之耳若九齡不能終制之失則亦不待貶絕

而自見矣

分天下為十五道置采訪使

京畿、都畿、關內、河南、河東、河北、隴右、山南、東西、劍南、淮南、江南、東西、黔中、嶺南、凡十五道。各置采訪使，以六條簡察非法。兩畿以中丞領之，餘皆擇賢刺史領之。惟變革舊章，乃須報可，自餘聽便宜從事。先行後聞。

集覽 京畿、都畿、京畿、采訪使治京城。都畿、采訪使治東都。六條，注見漢獻帝建安二十五年。

以楊慎矜知太府出納

詞字文融而聚斂者楊慎矜也

楊政道之子崇禮為太府卿二十餘年，前後莫能及。至是以戶部尚書致仕，上問宰相崇禮諸子誰能繼其父者，以慎矜對，乃擢為監察御史，知太府出納，稱職。上甚悅之。慎矜奏諸州所輸布帛，有漬污穿破者，皆下本州徵折估錢，轉市輕貨徵調，始繁矣。

質實

太府事物紀原云：周禮天官冢宰之屬有太府，下大夫。梁武帝天監七年始置太府卿，續事始則云：梁天監中置少府卿，後魏太和改為太府。

書法

知出納未有書者，書慎矜何志，掎克也。宇文融之後，以典利逢君者，稱慎

矜焉，故詳錄之。

發明

前書宇文融為勸農使為九河使雖志在興利然其名猶正也至是書楊慎矜知太府出納則好貨之心著矣故特書以志之

甲戌

二十二年春正月幸東都

考異

此上亦漏帝字幸當作如

書法

玄宗於是五幸東都矣五年正月一書十年正月再書十二年十一月三書十九年十二月四書今年正月五書近者十月遠者三年而後還計二十四年之中在東都者居半非東都宮內有怪書幸東都未已也自書還西京而後率皆華清之歲月矣

天象

○二月秦州地震

質實

秦州注見漢光武建武元年天水

壓死四千餘人遣蕭嵩賑恤之

夏五月以裴耀卿為侍中張九齡為中書令李

林甫同三品

張九齡請不禁鑄錢敕百官議之裴耀卿等曰一啓此門恐小人棄農逐利而濫惡更甚秘書監崔沔曰若稅銅折役計估度庸則官治可成而私鑄無利矣且錢之為物貴以通貨利不在多何待私鑄然後足用乎左監門錄事參軍劉秩曰夫人富不可以賞勸貧不

可以威禁若許私鑄貧者必不能為之臣恐貧者益貧而役於富富者益富而逞其欲也上乃止秩子玄之子也○林甫柔佞多狡數深結宦官及妃嬪家伺候上動靜無不知之由是每奏對常稱旨時武惠妃寵傾後宮生壽王瑁太子浸疎薄林甫乃因宦官言于惠妃願盡力保護壽王

質實 壽州名注見秦王政六年壽春

上芟麥於苑中

考異

上當作帝

上種麥苑中帥太子以下親往芟之謂曰此所以薦宗廟不敢不親且欲使汝曹知稼穡

難_耳 **質實** 稼穡注見晉高祖天福八年

主德

以裴耀卿為江淮河南轉運使置河口輸場

初上以關中久雨穀貴將幸東都召耀卿謀之對曰關中帝業所興當百代不易但地狹穀少故乘輿時幸東都以寬之臣聞貞觀永徽之際祿廩不多歲漕關東一二十萬石足以周贍今用度浸廣運數倍於前猶不能給故使陛下數冒寒暑以恤西人今若使司農租米悉輸東都而轉漕以實關中則關中有數年之儲而無水旱之憂矣且吳人不習河漕所在停留遂生隱盜臣請於河口置倉使吳船至彼輸米而去官自雇載分入河洛于三門東西各置一倉至者貯納水險則止水通則下或開山路車運而過則無復留滯省

能

興

通鑑綱目 卷四十三 唐玄宗開元二十一年 正編

漕運四倉

胡注以十錢為千錢意者以一兩為十錢耶

賢

通鑑綱目

卷四十三

費鉅萬矣。上深然其言。至是以耀卿為江淮河南轉運使。於河口置輸場。場東置河陰倉。西置柏崖倉。三門東置集津倉。西置鹽倉。鑿漕渠十八里。以避三門之險。先是舟運江淮之米。至東都。含嘉倉。僦車陸運三百里。至陝。率兩斛用十錢。耀卿以江淮舟運。悉輸河陰倉。更用舟運。至含嘉倉。及太原倉。自太原倉入渭。輸關中。凡三歲。運米七百萬斛。省僦車錢三十萬緡。或說耀卿獻之。耀卿曰。此公家贏縮之利耳。奈何以市寵乎。悉奏以為市糴錢。**集覽** 河口在鄭州武牢。三門山名在陝州平陸。**質實** 河洛二水。宋文帝元嘉二十七年。洛注見漢高后三年。三門山名注見漢成帝綏和二年。砥柱河陰。

進

祠祭之始

以方士張果為銀青光祿大夫

縣名注見漢光武建武十五年。柏崖倉。莫詳處所。唯懷慶府濟源縣境有柏崖城。唐初王世充以懷州僑治。此未知是否。陝州名注見周顯王四十五年。渭水名注見漢高帝五年。

初張果自言有神仙術。堯時為侍中。多往來恒山中。相州刺史韋濟薦之。上遣璽書迎入禁中。以為光祿大夫。號通玄先生。厚賜遣歸。後卒。好事者以為尸解。上由是頗信神仙。**集覽** 尸解。漢方術傳注。尸解。言將登仙。假托為尸。以解化也。葛洪年八十卒。其顏色如生。體亦柔軟。舉尸入棺甚輕。如空衣然。以為尸解得仙也。又注見秦始皇二十八年形。

通鑑綱目

卷四十三

唐玄宗開元二十二年

二百五

正編

解

質實

恒山注見周安王十六年相州注見漢元帝建昭二年魏郡璽書注見漢

光武建武三年

書法

於是帝頗信神仙矣與度鄭郭為道士者如二人焉書曰以方士為銀青

光祿大夫其褻名器甚矣

發明

所謂方士者蓋方外之士也而張果又自言有神仙術堯時為侍中則其視後世官爵為何物哉嘗怪世之好異者於浮屠之死則言寂滅於方士之死則言尸解要之不免於死則其為欺誕可知矣况堯時固未聞有所謂侍中之官使果為

之更歷虞夏商周之世何畧無所聞耶以秦皇漢武窮幽極遠汎海求之于時方士交驚於天下顧不能羅而致之是又何耶書以方士為銀青大夫則明皇惑於神怪此徒誑世取寵皆具見矣况未幾而遂死乎

冬十二月朔日食○幽州節度使張守珪斬奚

契丹王屈烈及可突干

時可突干連年為邊患守珪屢擊破之可突干因迫遣使詐降守珪使管記王悔就撫之悔至而契丹初無降意密遣人引突厥謀殺悔悔知之以牙官季過折與可突干爭權不

能

唐官爵之
濫極矣不
以宰相賞
功九齡之
賢

通鑑綱目 卷四十三

協說使圖之過折夜勒兵斬屈烈及可突干
帥衆來降上美守珪之功欲以為相張九齡
曰宰相代天理物非賞功之官也上曰假以
名而不使任其職可乎對曰惟器與名不可
以假人君之所司也守珪纔破契丹即以為
相若盡滅奚厥將以何官賞之乃以為羽林
大將軍兼御史大夫
集覽牙官戎狄大臣之
賜二子官賞賚甚厚稱猶言達官惟器
與名不可以假人左傳成二年衛孫桓子與
齊師戰將敗新築人仲叔于奚救桓子是以
免既衛人賞之以邑辭請曲縣繁纓以朝許
之仲尼聞之曰惜也惟器與名不可以假人
君之所司也名以出信器以藏禮若以假人
與人政也政亡則國家從之注器車服所以

表尊卑名爵號名位不愆為民所信奚
厥或解云奚與突厥也一本直作突厥

突厥殺其毗伽可汗

考異

殺當作弒

毗伽為其大臣梅錄啜所
毒而死子登利可汗立

集覽

梅錄啜梅錄
突厥別部之

號啜其大
臣之稱

置病坊

禁京城旬者置
病坊以廩之

乙亥二十三年春正月耕籍田御樓酺宴

考異

耕上

注德之小
者

通鑑綱目

唐玄宗開元二十三年

二

正編

漏帝 字

上耕籍田九推乃止公卿以下皆終畝上御五鳳樓酺宴時命三百里內刺史縣令各率所部音樂集樓下較勝負懷州刺史以車載樂工數百皆衣文繡魯山令元德秀惟遣樂工數人連袂歌于薦上曰懷州之人其塗炭乎立以刺史為散官德秀性介潔質樸士大夫服其高

集覽 上耕籍田九推乃止注見漢文帝二年親耕籍田酺宴酺注見開元元年大酺于薦歌名元德秀所作帝聞而異之嘆曰賢人之言哉通鑑考異曰明皇雜錄作于薦新傳作于偽此義未詳今從雜錄薦羽委反

質實 魯山縣名注見漢獻帝初

主德

平元年元德秀河南人

書法

書耕籍何重宗廟也終綱目耕籍田十詳漢文帝二年舍是無書者矣

發明

前書令百官行樂此書御樓酺宴則玄宗之志至是為益荒矣吁

三月張瑄張琇殺殿中侍御史楊汪以復父讐

敕杖殺之

初汪既殺張審素審素二子瑄琇皆幼坐流嶺表尋逃歸手殺汪於都城繫表於斧言父冤狀欲之江外殺與汪同謀者為有司所得議者多言二子穉年孝烈宜加矜宥張九齡

賢

通鑑綱目

卷四十三

唐玄宗開元二十三年

頁

正編

審素無罪而死二子為父復讐其情可原如必欲正報復之風則長繫之流放之可也杖殺則失刑矣

亦欲活之。裴耀卿、李林甫以為壞法不可上然之。乃下敕曰：國家設法，期於止殺。各伸為子之志，誰非徇孝之人。展轉相讎，何有限極。宜付河南府杖殺。士民憐之，為作哀誄。斂錢葬之。胡氏曰：復讐固人之至情，以立臣子之大義也。讐而不復，則人道滅絕，天理淪亡矣。瑄、琇忿其父死之冤，亡命報之，其失在不訟于司寇。其志亦可矜矣。宋璟欲宥之，豈非為此乎。而裴李之言何其戾哉。但以非司寇而擅殺，當之仍矜其志，則免死而流放之可爾。若直殺之，是楊氏以一人而當張氏二人之命，不亦頗乎。

集覽

不亦頗乎。注見太宗

貞觀七年刑赦之頗

書法

瑄、琇何審素子也。審素前以無罪書也。而杖殺之甚矣。書曰：敕病其上也。

發明

禮有復讐之文，然鯀既殛死，禹乃嗣興者，不敢廢至公也。前開元十九年冬，綱目於張審素之死，書殺書爵，則死非其罪明矣。瑄、琇幼穉，既能復父之讐，是其志亦可嘉。况二子繫表於斧，言父冤狀，則當時盍與辨明，是否使審素果以冤死，則二子豈容誅極。如其不然，是以王法為讐，更相報復而已，不可赦也。今不此之思，乃止斷以相讐之說，果何謂哉。故綱目特揭以復父讎書之者，蓋予之也。而曲直當否

之別亦判然矣。二子之死可哀也哉。

以變法書 秋七月加咸宜公主實封千戶

主德

唐初公主實封止三百戶。太平公主至五千戶。率以七丁為限。開元以來。皇妹千戶。皇女半之。以三丁為限。或言其太薄。上曰。百姓租賦。非我所有。戰士出死力。賞不過束帛。女子何功而享多戶。且欲使之知儉嗇耳。至是以武惠妃女咸宜公主將下嫁。始加至千戶。於是諸公主皆加至千戶。
集覽 儉嗇儉節嗇愛也。老子曰。治人事天莫若嗇。注嗇貪也。治國當愛惜民財。不為奢泰。嗇通作穡。左傳昭元年大國省穡而用之。

書法

於是諸公主皆加至千戶。獨書咸宜。何。譏私也。咸宜。惠妃女也。惠妃方嬖。咸宜將下嫁。特命加之。因及諸公主。綱目獨書咸宜。所以誅其心也。終綱目公主書加封二。太年咸宜皆譏也。

發明

皇女而實封加至千戶。非清明盛世之事也。故書以譏之。

冬閏十月朔日食。○十二月冊壽王妃楊氏

楊妃初見諸王冊妃不書此獨書者所以著後日明皇荒淫之失也

妃故蜀州司戶玄琰之女也

質實

蜀州注見宋文帝元嘉九年崇慶州

書法

王妃不書。書楊氏何。明倫也。是故將書以武氏為昭儀。則太宗之篇。先書

以武氏為才人，將書以楊太真為貴妃，則開元之策，先書冊壽王妃楊氏，皆所以明也。倫

發明

壽王，玄宗第十八子也。冊諸王妃，未有書，而此書之者，志其始也。

以契丹涅禮為松漠都督

季過折，既殺可突干，詔以為契丹王。至是為其臣涅禮所殺。上赦涅禮，因以為都督。且賜書責之曰：卿之蕃法，多無義於君長。過折卿之王，有惡，輒殺為死。王者，不亦難乎？卿今為王，亦應防慮後事，豈得取快目前也。

丙

二十四年春正月，敕聽逃戶自首。

敕天下逃戶，盡今年內自首，有舊業者還本貫，無者俟進止。踰限不首，搜配諸軍。

突騎施寇北庭都護，蓋嘉運擊破之。○二月，頒

令長新戒。

書法

令長近民官也。綱目每致意焉。是故齊始用士人為縣令，則書。陳丙戌年

唐舉堪為縣令，則書。太宗貞觀二年，玄宗即位，既引見京畿縣令，開元元年，又召縣

令試策。開元四年，又敕以縣令為舉者賞罰。開元九年，於是又頒令長新戒，可謂知

所本矣故綱目悉書之

○皇太子更名瑛

諸皇子皆更之忠王浚改曰瑛

三月勅禮部侍郎掌貢舉

舊制考功員外郎掌貢舉有進士陵侮之議者以員外郎位卑不能服衆敕委禮部侍郎

夏四月張守珪使討擊使安祿山討奚契丹敗

績

考異

討當作擊後同

不從九齡之言遂成天寶禍根

二逆俱守珪所養成

張守珪使平盧討擊使安祿山討奚契丹敗績守珪奏請斬之祿山臨刑呼曰大夫欲滅奚契丹柰何殺祿山乃更執送京師張九齡批曰昔穰苴誅莊賈孫武斬宮嬪守珪軍令若行祿山不宜免死上惜其才赦之九齡固爭曰失律喪師不可不誅且其貌有反相不殺必為後患上曰卿勿以王夷甫識石勒枉害忠良竟赦之祿山本營州雜胡初名阿犂山母再適安氏冒其姓後其部落破散遂與安氏子思順逃來狡黠善揣人情守珪愛之養以為子又有史寧干者與祿山同里開亦以驍勇聞守珪奏為果毅累遷將軍後入秦事上與語悅之賜名思明胡氏曰禍福雖有定數若由人事今置毒於前食則死不食則

亦何嘗不以軍法爭論

任將斬姬能無雄視中原

生、生死繫乎食與不食，則人事為近矣。故古之聖人，必脩人事，其於天命，曰我不敢知，使明皇外任賢相，內無蠱惑，雖祿山焉攸亂，然祿山敗軍，其罪應誅，九齡直以軍法爭論，其理自勝。乃言未來之事，斷其後患，故玄宗得以拒之。蘇子曰：齊桓公不殺敬仲，楚成王不殺重耳，漢高祖不殺劉濞，晉武不殺劉淵，苻堅不殺慕容垂，明皇不殺安祿山，皆盛德事也。愚以謂彼五人者，皆賢而無罪，何名而殺祿山，則有死罪矣。明皇不能按法行辟，而復諫養奸，安得為盛德耶。

集覽 穰首誅莊賈，注見漢靈帝中平元年。莊賈後期，穰首奮劍，孫武斬宮嬪，孫武子者，齊人也。以兵法見吳王闔廬，闔廬出宮人為二隊，以寵姬二

人為隊長，試習戰法。武乃三令五申而鼓之，宮人笑，乃斬隊長，以徇。王夷甫識石勒，夷甫有反相，將收之，勒已去矣。後果叛，據襄國，僭稱後趙，卒禍晉室。阿犂山，新舊書皆作軋犂山。按軋犂山，突厥所謂闔戰神也。安祿山本營州柳城胡種，姓康氏，其母阿史德為巫，居突厥中，禱子於軋犂山，及產有光照穹廬，鳥獸盡鳴，望氣者言其祥。范陽節度張仁惠，搜廬帳欲殺之，匿而獲免。母以神所命，遂字軋犂山。父死，母攜之，再適突厥，安延偃，故更名安祿山。犂，刀角反。史宰干，姓史，名宰干，宰蘇骨反。里門，開音汗，說文里門，曰開。行辟，辟毗亦反法也。

質實

營州注見晉武帝太

康二年昌黎齊桓公不殺敬仲敬仲陳胡公
 滿之後以罪奔齊事桓公為工正其後世專
 齊政僭稱王是為田齊楚成王不殺重耳重
 耳晉獻公之次子公信讒欲殺重耳乃奔楚
 成王納之獻公卒重耳返國立為文公漢高
 祖不殺劉濞劉濞高祖兄仲之子封吳王或
 言有反相帝不信景帝時濞率七國謀反戰
 敗自殺晉武不殺劉淵劉淵匈奴左賢王豹
 之子為任子在洛陽武帝拜為左部帥懷帝
 時叛晉自立為漢王苻堅不殺慕容垂慕容
 垂前燕王皝之次子為時所忌奔秦秦
 主堅以為將軍後叛秦自稱後燕王

書法

書使何罪使之者也奚契丹書誅則使之者何罪使之而不能正其敗績

之誅以至隳國典胎國禍則守珪之罪也
 故書使凡功罪書使歸之其上也故歸
 罪使之者則書張守珪使安祿山是年歸
 功使之者則書李光弼使田神功肅宗實

應元年

發明

祿山既有敗軍之罪按法行辟可也而撓法赦之何哉書敗績而不書誅

失可知矣又况他日亂天下乎故書以志之

增宗廟籩豆數加母黨服

上因籍田赦命有司議增宗廟籩豆之數及服紀未通者太常卿韋縉奏請宗廟每坐籩

豆十二。兵部侍郎張均、職方郎中韋述曰：聖人知孝子之情深，而物類之無限，故為之節制，同歸於古。今取甘肥皆充祭用，既踰於制，其何限焉？若以今之珍饌，平生所習於神，無方，何必泥古，則簋簠可去，而盤盂盃按當御矣。韶濩可息，而箜篌箏笛當奏矣。既非正物，後嗣何觀？君子愛人以禮，不求苟合。况在宗廟，敢忘舊章？太子賓客崔沔曰：祭祀之興，肇於太古。茹毛飲血，則有毛血之薦，未有麩麩。則有玄酒之奠。施及後王，禮物漸備，然以神道致敬，不敢廢也。國家清廟禮饌，用周制也。園寢上食，遵漢法也。職員來祭，致遠物也。有新必薦，順時令也。躬稼所收，蒐狩所獲，薦而後食，盡誠敬也。若此至矣，復何加焉？但當申

轉于變亂
大禮

敕有司，無或簡怠，不必加籩豆之數也。上固欲增之，縉又奏：每室加籩豆各六，實以新果珍羞，從之。縉又奏：請加外祖父母為大功九月，姨舅皆小功五月。堂舅堂姨舅母並加至袒免。崔沔曰：正家之道，不可以貳。總一定義，理歸本宗，是以內有齊斬，外皆總麻。尊名所加，不過一等。此先王不易之道也。願守八年明旨，一依古禮，以為成法。章述曰：傳曰：禽獸知母而不知父，學士大夫則知尊祖矣。然則母黨比於本族，不可同貫明矣。今若外祖及舅，加服一等，堂舅及姨列於服紀，廢禮徇情，所務者末，苟可加也，亦可減也。先王之制，謂之彝倫，奉以周旋，猶恐失墜。一紊其敘，庸可止乎？請依儀禮喪服為定。禮部員外郎楊仲

議更確

昌曰昔子路有姊之喪而不除孔子曰先王制禮行道之人皆不忍也子路除之此則聖人援事抑情之明例也。敕姨舅既服小功舅母不得全降宜服總麻堂姨舅宜服袒免。

集覽

於神無方易繫辭故神無方王弼注神則陰陽不測不可以一方明也文公本

義曰至神之妙無有方所又附錄曰神便是在陰底又忽然在陽在陽底又忽然在陰泥古泥去聲執不通也當御御進也用也韶護注見太宗貞觀二年笙篪樂器師延所作言空國之侯所好靡靡之音應劭風俗通曰本名坎侯吳兢樂府解題云漢武滅南越祠太一后土今樂工侯暉依琴造護護音坎以工人姓侯故名坎侯後語訛以坎為空毛血之

薦記禮運篇昔者先王未有火化食鳥獸之肉飲其血茹其毛後聖有作然後修火之利薦其血毛注所以法於太古也玄酒之奠記禮運篇玄酒以祭注玄酒井中水也皇侃曰太古未有酒而始之祭但酌水用之尚質也至晚世雖有酒猶用水代之示不忘古也清廟禮饌詩清廟篇注清廟者祭有清明之德者之宮也天德清明文王象焉故祭之而歌此詩記樂記篇清廟之瑟未絃而疏越有遺音者矣注清廟謂作樂歌清廟也又禮運篇玄酒在室醴醎在戶粢配在堂登酒在下陳其犧牲備其鬯俎列其琴瑟管磬鐘鼓修其祝嘏以降上神與其先祖是謂承天之祜注此言今禮饌具所因於古及其事義也園寢

唐玄宗開元二十四年

上食注見漢元帝廷昭五年寢廟園下袒免
 免音問記問喪篇或問曰冠者不肉袒何也
 曰冠至尊者不居肉袒之體也故為之免以
 代之免者以可為也曰不冠者之所服也禮
 曰童子不總唯當室總總者其免也注言身
 無飾者不敢冠冠為褻尊服肉袒則著免免
 狀如冠而廣二寸不冠者猶未冠也當室謂
 無父兄而主家者也童子不杖不杖者不免
 當室則杖而免總者其免也言免乃有總服
 也文公家禮曰齊衰以下至同五世祖者皆
 袒免袒謂左袒自前投於要之右免謂裂布
 或縫絹廣一寸從頂中向前交於額上又却
 向後繞於髻如著掠頭也子路有姊之喪而
 不除記檀弓篇子路有姊之喪可以除之矣

而弗除孔子曰何弗除也子路曰吾寡兄弟
 而弗忍也孔子曰先王制禮行道之人皆弗
 忍也子路遂除之
 [質實] 籩豆祭器注見漢明帝永平
 元年[籩]祭器注見漢文帝
 六年[麴蘖]酒媒注見陳宣帝太建七年[菟符]
 注見梁武帝中大通二年[大功]注見漢靈帝
 熹平元年[小
 功]注同上年

書法 書增加何譏也籩豆有常數母黨有
 常服於是又增加焉非矣增也者不
 宜增者也加也
 者不宜加者也

發明 夫禮有定制不可損亦不可增昔程
 頤子嘗力辨加禮之一字今籩豆之

薦有常數而增之，母黨之服有定制而加之，皆非禮也。苟其合禮，則綱目固不以增與加書之矣。

秋八月張九齡上千秋金鑑錄

千秋節，羣臣皆獻寶鏡。九齡以為以鏡自照見形容，以人自照見吉凶，乃述前世興廢之源，為書五卷，謂之千秋金鑑錄，上之，賜書褒美。

書法

獻文不書，此何以書？重格君也。故金鑑錄書，丹宸箴書，非是皆畧之。於是帝生日則曷為不書，九齡此錄為人主者朝夕座右可也。豈一時賦頌之流哉？故不

書生

冬十月帝還西京

先是，敕以來年二月還西京，會宮中有怪，上召宰相議西還。裴耀卿、張九齡以農收未畢，請俟仲冬。李林甫潛知上旨，獨留言曰：「長安洛陽，陛下東西宮耳，往來行幸，何更擇時？借使妨農，但應蠲所過租稅而已。」臣請宣示有司，即日西行，從之。上過陝州，以刺史盧奐有異政，題贊於聽事而去。

質實

長安縣名，注見漢惠帝五年。洛陽縣名，注見周顯王

李林甫奸邪之言，漸無忌憚。

三年

十一月賜朔方節度使牛仙客爵隴西縣公

能

士氣

逢君罪大

仙客前在河西，能節用度，勤職業，倉庫充實，器械精利。上嘉之，欲加尚書。張九齡曰：「不可。尚書古之納言，唐興以來，惟舊相及揚歷中外有德望者乃為之。仙客本河湟使典，今驟居清要，恐羞朝廷。」上曰：「然則但加實封可乎？」對曰：「封爵所以勸有功也。邊將實倉庫，修器械，乃常務耳。不足為功。欲賞其勤，賜之金帛可也。裂土封之，恐非其宜。」上默然。李林甫曰：「仙客宰相才也，何有於尚書？九齡書生，不達大體。」上說，明日復以仙客實封為言。九齡固執如初。上怒，變色曰：「卿嫌仙客寒微，如卿有何闊闊？」九齡曰：「臣嶺海孤賤，不如仙客，生於

佞

中華，然臣出入臺閣，典司誥命，有年矣。仙客邊隅小吏，目不知書，若大任之，恐不愜眾望。林甫退而言曰：「苟有才識，何必辭學？天子用人，何有不可？」乃賜仙客爵，食實封三百戶。胡氏曰：「玄宗方相張九齡，而肆辯摧折之如此者，九齡非有可輕也。直緣釋服居位，人主意其重利祿而好貴勢，可以制指爾。是故古之君子不苟就，不俯從，使去就從違之重，在我而不在人，在義而不在利，庶乎招集覽不來，麾不去，足以取信於其上也。」河湟河湟二州並涼州地，牛仙客前判涼州，別駕故云。孤賤言獨立無與。質實隴西縣唐初所置，本漢隴西郡襄武縣地，宋立古渭寨於此。元祐中復置隴西縣，金元仍

舊本朝因之為鞏昌府治所以屬焉河
西郡名注見漢安帝元初元年河湟二州名注
見武宗會昌五年關闕
注見宋孝武大明二年

發明 玄宗志在邊功故增重邊賞如仙客
止能修其職業而寵異已至於此故
綱目書賜爵而不書其有功則可
以知其失矣况未幾又使之相乎

此開元治
亂之分

裴耀卿張九齡罷為左右丞相以李林甫兼中

書令牛仙客同三品

初上欲以李林甫為相問於張九齡九齡對
曰宰相繫國安危陛下相林甫臣恐異日為

士氣

若能格君
心之非亦
不徒以口
舌爭

廟社之憂上不從是時上在位歲久漸肆奢
欲怠於政事而九齡遇事無細大皆力爭之
胡氏曰忠愛其君者必思納諸無過之地而
不計一身之安危不忠不愛者惟其身之營
使君荒怠昏亂而不恤也九齡可謂愛君矣
然以違拂對順從則有恭與不恭之似以恣
肆對傲戒則有樂與不樂之殊惟聰明睿智
之君則知違拂之為恭而順從之為大不恭
也知傲戒之可樂而知恣肆之有大不樂也
若明皇稍有持盈守成恐及危溢之心使九
齡常立于朝則放心必收禍亂必弭烏呼九
齡可謂古之大臣矣○上之在藩也趙麗妃
生太子瑛皇甫德儀生鄂王瑤劉才人生光
王琚及即位幸武惠妃生壽王瑁麗妃等愛

大履將顛
不可謂非
一木之撐

三子殺于
林甫之言

皆弛太子與瑤瑤以母失職有怨望語駙馬
 都尉楊泗尚咸宜公主常伺三子過失以告
 惠妃惠妃泣訴于上上大怒欲皆廢之九齡
 曰陛下享國長久子孫蕃昌天下之人方以
 爲慶今三子皆已成人不聞大過奈何一旦
 以無根之語廢之乎且太子天下本不可輕
 搖昔晉獻公聽驪姬之讒殺恭世子三世大
 亂漢武帝信江充之誣罪戾太子京城流血
 晉惠帝用賈后之譖廢愍懷太子中原塗炭
 隋文帝納獨孤后之言黜太子勇立煬帝遂
 失天下由此觀之不可不慎陛下必欲爲此
 臣不敢奉詔上不悅林甫退而私謂宦官之
 貴幸者曰此主上家事何必問外人上猶豫
 未決惠妃密使宦奴謂九齡曰有廢必有興

士氣

士氣

公爲之援宰相可長處九齡叱之以其語白
 上上爲之動色故詔九齡罷相太子得無動
 范氏曰明皇三子之廢繫於李林甫之一言
 其得未廢繫於張九齡之未罷相賢則父子
 得以相保相佞則天姓滅爲仇讐置相可不
 慎哉○林甫日夜短九齡於上上浸疎之林
 甫引蕭昊爲戶部侍郎昊素不學嘗讀伏臘
 爲伏獵中書侍郎嚴挺之言於九齡曰省中
 豈容有伏獵侍郎乃出昊刺岐州故林甫怨
 挺之上積前事以耀卿九齡阿黨並拜丞相
 罷政事而以林甫爲中書令牛仙客同三品
 領節度如故貶挺之爲洛州刺史上卽位以
 來所用之相姚崇尚通宋璟尚法張嘉貞尚
 吏張說尚文李元紘杜暹尚儉韓休張九齡

唐玄宗開元二十四年
 正編

尚直各其所長也。九齡既得罪，朝廷之士皆容身保位，無復直言。林甫欲蔽主擅權，明謂諸諫官曰：「今明主在上，羣臣將順之，不暇為用多言，諸君不見立仗馬乎？食三品料，一鳴輒斥去，悔之何及？」補闕杜暹嘗上書言事，黜為下邳令。自是諫爭路絕矣。仙客既為林甫所引進，專給唯諾而已。林甫城府深密，人莫窺其際，好以甘言啗人，而陰中傷之，不露辭色。凡為上所厚者，始則親結之，及位勢稍逼，輒以計去之。雖老姦巨猾，無能逃其術者。

集覽

愛皆弛。漢書曰：以色事人者，色衰而愛弛。昞古惠反。立仗馬，飛龍廐日以八馬列宮門外，號南衙立仗馬。食三品料，食與飼通。唐給九品祿，三品四百石也。一作飫三品。

芻蕘

鄂州名。注見漢後主建興七年。武昌州名。注見晉武帝泰始二年。弋陽

晉獻公聽驪姬之讒，殺恭世子。注見漢高帝十二年。漢武帝信江充罪戾太子。事在征和

二年。晉惠帝用賈后之譖，廢愍懷太子。事在元康九年。隋文帝納獨孤后之言，黜太子勇

事在開皇二十年。伏臘。注見漢宣帝五鳳四年。下邳縣名。注見晉懷帝永嘉五年。

書法

唐宰相罷書為某官者，錄賢也。賢之故詳之，非是則與左降者同書罷而已。

發明

觀九齡罷相，與林甫兼中書令之書文無褒貶，然明皇治亂之分已在於

此蓋以林甫佞邪九齡正直即人品而知之也况又分注詳載其事於下乎雖然玄宗進退大臣其得失固可見矣至於官制名稱尤有可得而論者夫以丞相名官蓋輔政大臣也今耀卿九齡既罷政事乃以為左右丞相然則所謂左右丞相者特無用之冗員爾名稱不正莫甚于此故綱目因事書之以見唐人官制之失於宰相為尤甚也

丁丑 二十五年春正月置玄學博士

每歲依明經舉

發明

前十七年書明經進士歲限百人今此年二月書立明經問義進士試經法是蓋狹其塗嚴其制以沮止之僅免廢罷云爾至所謂玄學者前未之聞乃特置博士官又令每歲依明經舉則當時好尚曉然可知此事觀之義自見矣

二月立明經問義進士試經法

敕曰進士以聲韻為學多昧古今明經以帖誦為功罕窮旨趣自今明經問大義十條對時務策三首進士試大經十帖帖誦誦帖括曰帖誦其括而誦之以求僥倖大經十帖以左氏傳為大經一帖凡三言

集覽

河西節度使崔希逸襲吐蕃破之

初希逸遣使謂吐蕃邊將乞力徐曰兩國通好今為一家何必置兵妨人耕牧請皆罷之乞力徐曰常侍忠厚言必不欺然朝廷未必專以邊事相委萬一奸人交鬪其間掩吾不備悔之何及希逸固請乃刑白狗為盟各去守備於是吐蕃西擊勃律勃律來告急上命吐蕃罷兵吐蕃不奉詔上甚怒會希逸廉人孫誨入奏事言吐蕃無備請掩擊必大獲上命內給事趙惠琮與誨往察事宜惠琮至矯詔令希逸襲之希逸不得已發兵至青海西與吐蕃戰大破之乞力徐脫身走惠琮及誨皆受厚賞吐蕃復絕朝貢希逸自念失信愧

去邊備大誤

恨而

集覽

刑白狗為盟索隱曰盟之用牲貴賤不同天子用牛馬諸侯犬豕犬

夫以下用雞廉人注見德宗貞元十二年廉從

質實

襲之者趙惠琮矯詔耳曷為以希逸書希逸始與吐蕃盟誓罷去守備矣

將在軍君命有所不受而惠琮得以矯詔使之以失信於邊境是誰之咎歟綱目以希逸生兵蔽其罪於希逸也

夏四月殺監察御史周子諒貶張九齡為荊州

長史

自是以後無一非亂政矣

子諒彈牛仙客非宰相才上怒甚命擗於殿
 庭絕而復蘇仍杖之朝堂流瀼州至藍田而
 死李林甫言子諒九齡所薦也乃貶九齡荆
 州長史范氏曰古之殺諫臣者必亡其國明
 皇親爲之其大亂之兆乎開元之初諫者受
 賞及其末也而殺之非獨此也始抑外戚焚
 珠玉詆神仙禁言祥瑞其終也惑女寵極奢
 侈求長生悅襪祥一人之身而相反如此由
 有所陷溺其心集覽瀼州瀼乃朗反地理表
 故也可不戒哉云廣南化外地在鬱林
 西南交趾東北唐太宗置瀼州以達
 交趾襪祥注見隋文帝開皇十四年
 縣名注見周赧王四十九年荆州
 注見漢獻帝建安十三年南郡

書法

杖流道卒耳其書殺何誅心也子諒
 奏彈仙客怒之可也而擗之幾絕及
 其蘇也復杖而後流之則帝之欲殺明矣
 綱目之法苟有誅意於其臣一以殺書之

發明

自古非大無道之君未有輕殺諫臣
 者玄宗何爲乃爾蓋其驕矜已甚其
 視諫臣猶雀鼠之微是以輕於殺之又况
 仙客之相出已私意深欲掩蓋覆匿子諒
 忽觸其實故怒不可解必寘之死地而後
 已書殺監察御史周子諒此奔竄失國兩
 京覆沒之兆也然其
 貽後王鑒顧不明哉

廢太子瑛鄂王瑒光王瑑而殺之

唐玄宗開元二十五年

楊涸又譖太子鄂王光王潛構異謀上召宰相謀之李林甫對曰此陛下家事非臣等所宜預上意乃決使宦官宣制於宮中廢為庶人尋賜死瑤瑤皆好學有才識死不以罪人皆惜之

書法 書廢太子廢無罪也而殺之帝之忍亦甚矣殺一無罪不可也况三子乎

是禍也林甫成之

發明 隋文用楊素而廢太子勇然猶未至殺之也玄宗用林甫而黜太子瑛又併瑤瑤殺之然皆無罪可書其惡甚矣天理既滅何以國乎

五月流夷州刺史楊濟於古州

濟坐賊當死上命杖之流古州左丞相裴耀卿上疏曰決杖贖死恩則甚優解體受笞事頗為辱止可施之徒隸 **質實** 古州注見中不當及於士人上從之 宗景龍二年

募丁壯長充邊軍

敕以方隅底定令中書門下量軍鎮閑劇利害審計兵防定額召募丁壯長充邊軍增給田宅務加優恤

詔選宗子補官 ○秋七月大理寺奏有鵲來巢

邊備

進

賜李林甫爵晉國公牛仙客幽國公

大理少卿徐嶠奏今歲天下斷死刑五十八獄院由來殺氣太盛鳥雀不栖今有鵲巢其樹於是百官以刑措表賀上歸功宰相故有是命范氏曰明皇一日殺三子而宰相以刑措受賞。讒諛得志。天理滅矣。能無亂乎。

質實

晉州名注見漢獻帝建安七年河東

桓帝延熹五年

書法

賜爵不言故此其言故何譏也。有鵲來巢而二相受爵無謂甚矣。

安民

行和糴法停江淮運

先是西北多宿重兵地租營田皆不能贍始用和糴之法有彭果者獻策請推之關中敕以穀賤傷農命增時價什二三和糴東西畿粟各數百萬斛停今年江淮運租自是關中蓄積羨溢車駕不復幸東都矣。

質實

東都注見秦莊襄王元年三川

書法

書和糴始此然則曷為不書初先是西北行之久矣至是始推之東西畿

也終綱目書和糴三。是年德宗貞元三年八年

冬十月開府儀同三司廣平文貞公宋璟卒

異

此誤書謚

考證

當去文貞二字分注謚文貞

考證

廣平縣名注見漢光武建

通鑑綱目

卷四十三

唐玄宗開元二十五年

正編

正編

武二 十年

書法 書官書爵書謚自狄仁傑以來於是再見終唐之世五人而已矣狄仁傑

宋璟李晟馬燧裴度若郭子儀號官爵謚具則又非五人所可及也

發明 宋璟在玄宗朝第一流人物也故書官書爵書謚以表之此亦可以觀綱

目褒貶之筆矣

○十二月惠妃武氏薨追謚貞順皇后 **考異** 據

曆十年書貴妃獨孤氏卒則此薨字當作卒

妃攸止之女也初上欲以妃為后或上言武氏乃不戴天之讎豈可以為國母且妃既有子若登宸極太子必危上乃止至是薨贈貞順皇后

書法 妃妾自宋殷氏始書卒未有書薨者也此其書薨何謚為后也自是而皇

后為贈官矣終綱目卒妃妾四宋孝武殷氏唐玄宗武氏肅宗韋氏代宗獨孤氏惟

此獨書薨譏之譏也

復以明堂為乾元殿

命將作大匠康譽素往東都毀明堂譽素言毀之勞人請去上層仍舊為乾元殿從之

進

通鑑綱目

卷四十三

身

集覽

詔去乾反
籀文愆字

戊寅二十六年春正月以牛仙客為侍中以王璵

為祠祭使

上頗好鬼神以太常博士王璵為祠祭使祈禱或焚紙錢類巫覡習禮者蓋之胡氏曰古者祭必用幣所以交神猶人之相見有贄以為禮非利之也後世淫祀既眾於是廢幣帛而用楮泉是以賄交于神也使神而果神也夫豈可賄使其不神而可賄也又安用事雖然王璵行之而世以為羞則當時猶未盡用也今舉四海用之而未有革之者不亦悲乎

集覽

璵羊諸反紙錢自漢以來喪葬有瘞錢後世俚俗稍以紙寓錢為鬼事明皇用之楮泉楮丑呂反穀木名可為紙索

質實

巫覡

注見漢高祖
乾祐二年

書法

後世用紙錢
代帛始此

今天下州縣里皆置學

書法

武德嘗置州縣鄉學矣不皆置也於是今皆置學則無無學之里矣特書

嘉之

主德

學

通鑑綱目

卷四十三

唐玄宗開元二十六年

正編

正編

○夏六月立忠王璵為太子改名亨 **考異** 太上漏皇

字

李林甫數勸上立壽王瑁上以忠王璵年長孝謹好學意欲立之猶豫不決常忽忽不樂高力士請其故上曰汝揣我何意力士曰得非以郎君未定邪上曰然對曰但推長而立誰復敢爭上曰汝言是也由是遂定璵將受冊命儀注有中嚴外辦及絳紗袍璵嫌與至尊同稱表請易之於是停中嚴改辦曰備易絳紗袍為朱明服故事太子乘輅至殿門至是璵不就輅步而入尋更名紹又更名亨孫甫且太子瑛之廢雖由武妃林甫亦張說之

命太子乃決于力士之一言自是其權愈重矣賢

過也初忠王出見百官說有貌類太宗之言蓋昭成方娠時說侍讀東宮知其異事謂王當受天命故因事言之以廣於眾耳說事明皇情義至厚言從計行於忠王豈無密議也使明皇之意已移嬖寵之言易入說無以逃其過矣 **集覽** 儀注儀禮 **實** **輅** 大車之名古者以木為之至 **實** 商而有輅之名蓋始異其制也

突騎施殺其可汗蘇祿 **考異** 殺當作弑

初蘇祿廉儉攻戰所得悉與諸部分之由是眾樂為用既尚唐公主突厥吐蕃亦各以女妻之用度浸廣遂不復分由是諸部離心酋長莫賀達干夜襲蘇祿殺之都摩度立蘇祿

之子骨啜為吐火仙
可沃以收其餘衆
大臣之官凡二十有八等皆世
其官而無員限達于其一也
玄更始
二年

集覽 莫賀達于莫賀酋長之名也按突厥酋長注見漢帝

秋九月朔日食○貶王昱為高要尉 **質實** 一統志云

高要縣名漢初所置屬蒼梧郡劉宋屬南海郡梁於此置高要郡隋平陳廢郡以縣置端州唐以博林縣省入宋又省平興縣入焉金元仍舊本朝因之為肇慶府治所仍屬焉初吐蕃陷安戎城而據之其地險要唐屢攻之不克劔南節度使王昱築兩城於其側運

資糧以逼之吐蕃大發兵救安戎城昱衆大敗脫身走資仗皆沒由是貶死 **集覽**

劔南道名注見晉武帝泰始八年益州

册南詔為雲南王

南詔之先本哀牢夷地居姚州西東南接交趾西北接吐蕃蠻語謂王曰詔先有六詔莫能相一歷代因之以分其勢蒙舍最在南故謂之南詔至皮邏閣浸疆大而五詔微弱乃賂王昱求合六詔為一朝廷許之賜名歸義於是以前威服羣蠻遂破吐蕃徙居大和城卒為邊患 **集覽** 南詔南蠻國本烏蠻別種也在永昌東五代時號曰長和五代

通鑑綱目 卷四十三 唐玄宗開元二十六年 正編

共端

史四夷附錄曰南詔所居曰苴咩城哀牢注見漢明帝永平十三年六詔一曰蒙騫詔二曰越析詔三曰浪穹詔四曰遼睠詔五曰施浪詔六曰蒙舍詔蒙舍最在南故謂之南詔

太和城夷極一統志云南詔西南夷之山陂陀曰和**質實**國名其王本烏蠻之別種夷語王為詔其渠帥有六詔唯蒙舍詔在諸部南故稱南詔姚州禹貢梁州之界漢武帝開西南夷此為益州郡雋唐葉榆縣境東漢分屬永昌郡蜀漢又分葉榆屬雲南郡晉諸郡皆屬寧州李特據蜀分置漢州宋齊梁陳仍置雲南永昌郡屬寧州唐麟德初於昆明之楸棟川置姚州都督府治葉榆洱河蠻開元末蒙舍詔皮羅閣併蒙騫詔越析詔浪穹

詔遼聯詔浪施詔五詔合為一號南詔治太和城至閣羅鳳號大蒙國又至異牟尋再徙羊苴咩城即今府治改號大禮國其後鄭買賜趙善政楊干貞互相篡奪至五代晉時段思平得之更號大理國元憲宗時收附立上下二萬戶府至元間改置大理路本朝改路為府隸雲南道交趾郡名注見宣宗大中年注蕃西羌種名注見太宗貞觀八年太和城注見天寶十三載

書法

自是浸疆大為邊患至喪師二十萬則王昱之罪也故謹志之南詔見綱

此目始

典

修

冬十月作行宮於兩都間

凡千餘間

書法

書譏也終綱目書作行宮二隋文帝開皇十八年是年皆奢欲之主也

置龍武軍

分羽林置龍武軍以萬騎營隸焉

已卯二十七年夏六月貶張守珪為括州刺史

幽州將趙堪白真陀羅矯節度使張守珪之命使平盧軍使烏知義邀叛奚餘黨知義不

從白真陀羅矯稱制指以迫之知義出師與虜遇先勝後敗守珪隱其敗狀以克獲聞事頗泄上令內謁者監牛仙童往察之守珪重賂仙童歸罪於白真陀羅逼令縊死衆宦官疾仙童發其事上怒杖殺之守珪坐貶

集覽

叛奚奚國之叛者

正誤

趙

白真陀羅集覽無注○今按新唐書張守珪傳初書趙堪白真陀羅下文兩見皆上書直陀羅當是二人趙與白為氏而堪與真陀羅其名也

質實

括州注見高宗顯慶元年

秋八月磧西節度使蓋嘉運擊突騎施擒其可

通鑑綱目卷四十三 唐玄宗開元二十七年 正編

汗骨吸

突騎施吐火仙可汗與莫賀達于相攻莫賀達于遣使告磧西節度使蓋嘉運嘉運引兵擊之擒吐火仙取交河公主悉收散髮之民數萬以與拔汗那王威震西陲

〔拔汗那〕注見中 **〔質實〕**磧西注見太宗貞觀四年交河縣名注見齊明

帝建武四年

追謚孔子為文宣王

先是祀先聖先師周公南向孔子東向坐制自今孔子南向坐被王者之服釋奠用宮懸

此謚永不可易至我嘉靖間乃去像易主改號至聖先師更受

贈弟。子為公侯伯 **〔集覽〕**釋奠注見梁武帝天監十七年宮懸注見漢獻帝建安十

八年軒縣之樂

〔發明〕追謚先聖以王爵正南向之坐而被王者之服其禮正矣然亦有說焉是

時既尊太公又尊老君盛儀交舉至於吾先聖則不可以闕然也是以禮典如此書之于冊識者可以觀矣○按自漢平帝追謚孔子為褒成侯宣尼公後世因謂孔子為宣父又謂之為宣尼至是又加文與宣為謚然文之為言謚法有所謂經天緯地者矣孔子亦曰文王既没文不在茲乎以是謚之固亦幾矣然亦有所未盡焉若夫

宣之為宜，謚法之美者，不過聖善周聞而已。豈足以盡吾聖人之大德哉！况唐未加聖人，此謚之前，北齊高洋、李元忠、南齊蕭子良、隋長孫賢，固有此謚矣。天生聖人，為萬世道德之宗主，稱天以誅之，猶恐未足以稱其德。彼區區荒誕之君，汗下之見，何足以為吾聖人之輕重，當其時行之可也。後世乃遵之，百世而不改，何耶？

辨

冬十二月更定禘祫之制

初睿宗喪既除，祫于大廟，自是三年一祫，五年一禘。是歲夏既禘，冬又當祫，太常以為祭數則瀆，請停祫祭，自是通計五年一祫一禘從之。

庚辰二十八年春正月荊州長史張九齡卒 考證

當分注 謚文憲

上雖以九齡忤旨逐之，然愛重其人，每宰相薦士輒問曰：風度得如九齡不乎？

集覽

風度宋璟風度凝遠三宗注風采度量凝固遠大也

書法

書惜賢也終綱目長史書卒三吳張紘後趙張賓唐張九齡於九齡尤深

惜之

三月朔日食○以阿史那昕為十姓可汗○夏

六月以蓋嘉運為河西隴右節度使

嘉運來獻捷。上嘉其功。故有是命。嘉運恃恩流連不時發。裴耀卿曰。嘉運誠勇烈有餘。然言氣矜誇。恐難成事。且將軍受命。鑿凶門而出。今乃酣宴朝夕。殆非憂國愛人之心。乞速遣進塗。嚴加訓勵。上乃集覽。凶門。淮南子。兵趨嘉運行。已而竟無功。集覽。畧訓曰。君命將臣辭而行。乃爪鬣設明衣。鑿凶門而出。杜甫秋日荆南述懷詩。凶門轂少推。

冬十月吐蕃寇安戎城發關中兵救之

初。劍南節度使張宥。文吏不習軍旅。悉以軍政委團練副使章仇兼瓊。兼瓊入奏事。盛言

許遠初見

安戎城可取。上悅之。以宥為光祿卿。兼瓊為節度使。兼瓊潛與安戎城中吐蕃結謀。開門納唐兵。盡殺吐蕃將卒。使監察御史許遠將兵守之。至是吐蕃寇安戎。發關中兵救之。吐

蕃引集覽。章仇注見隋文。質實軍旅注見梁武帝中大通

去。二年許遠新城人敬宗之孫

書法。書發兵可矣。書關中兵何。譏也。於是

筆書之。

十一月立莫賀達于為突騎施可汗

莫賀達干聞立阿史那昕，怒曰：首誅蘇祿，我之謀也。今立史昕，何以賞我？遂帥諸部叛。上乃立莫賀達干為可汗，使統突騎施之眾。命嘉運招諭之，莫賀達干竟擊昕殺之。

是歲戶口之數

戶八百四十一萬二千八百，口四千八百一十四萬三千六百。西京東都米斛直錢不滿三百。絹匹亦如之。海內富安。行者萬里，不持寸兵。

安民

萬里無盜 當是佞臣 諂諛之辭

辛巳 二十九年春正月立賑饑法

制曰：承前饑饉，皆待奏報。然後開倉，道路悠遠，何救懸絕？自今委州縣及採訪使給訖，奏

聞。

質實

饑饉注見隋煬帝大業十二年

書法

書美之也。自是以至天寶末年，帝無務聚歛也。寵邊將也。其所書者，非惑鬼神，則則國忠也。貴妃也。書得玄元皇帝像，羣臣

此後亂政 亟行矣

請加尊號，享玄元皇帝於新廟，以田同秀為朝散大夫，追尊周上御大夫為先天太皇、臯繇為德明皇帝，始祀九宮貴神。帝聞空中神語，改會昌縣為昭應，加聖祖及諸帝后號，皆惑鬼神也。書以韋堅為江淮租庸轉運使，廣運潭成，加韋堅左散騎常侍，以楊慎矜為御史中丞，以楊慎矜為租庸轉

運使、以王錡為京畿採訪使、以楊釗判度支事、帥羣臣觀左藏、賜楊釗金紫、皆務聚歛也。書以安祿山為營州都督、以安祿山為平盧節度使、安祿山入朝、以安祿山兼范陽節度使、安祿山討奚契丹敗之、安祿山奏立李靖李勣廟、以安祿山兼御史大夫、賜安祿山鐵券、賜安祿山爵東平郡王、以安祿山兼河北採訪處置使、安祿山入朝、為安祿山起第於親仁坊、以安祿山兼河東節度使、安祿山擊契丹、以安思順為朔方節度使、哥舒翰安祿山安思順入朝、安祿山入朝、加安祿山左僕射、以安祿山為開府使、安祿山歸范陽、安祿山請以蕃將代漢將從之、安祿山表獻馬、遣中使諭

止之、十一月安祿山反、自開元二十九年、至于書反、不書安祿山者、天寶五載八載與十二載三年爾、皆寵邊將也。書以盧絢嚴挺之為員外詹事、以楊慎矜為御史中丞、貶裴寬為睢陽太守、以韋堅為刑部尚書、楊慎矜為租庸轉運使、貶韋堅為縉雲太守、皇甫惟明為播川太守、李適之罷、以陳希烈同平章事、殺騎騎兵曹柳勣、贊善大夫杜有鄰、殺北海太守李邕、及皇甫惟明韋堅等、王琚李適之自殺、殺戶部侍郎楊慎矜、以天下歲貢賜李林甫、殺咸寧太守趙奉璋、皆為林甫也。書流宋渾于潮陽、制追復張易之官爵、賜楊釗各國忠、免駙馬程昌裔官、以楊國忠領劍南節度使、以

庫錢易惡錢、以楊國忠為御史大夫、京畿採訪使、上復幸左藏、以楊國忠為右相兼文部尚書、以吉溫為御史中丞、楊國忠注選人於都堂、追削李林甫官爵、復以魏周隋後為三恪、以楊國忠為司空、陳希烈罷、以韋見素同平章事、貶韋陟為桂嶺尉、吉溫為澧州長史、皆為國忠也。書冊壽王妃韋氏、以楊太真為貴妃、加嶺南經畧使張九章三品、以王翼為戶部侍郎、以楊釗判度支事、以貴妃姊為國夫人、皆為貴妃也。此外亦無幾事耳、夫君心惑溺於上、奸邪專恣于下、欲不亂可得乎。綱目詳書之、所以為萬世戒也。

夏閏四月得玄元皇帝像

明皇建託
夢以誰人
耳

上夢玄元皇帝云、吾像在京城西南百餘里、遣使求得之於蓋屋、迎置典慶宮。范氏曰、人之有夢、蓋其心之動也。昔高宗恭默思道、誠心求賢、故夢帝賚之良弼。明皇怠於庶政、志求神仙、惑方士之言、自以老子其祖也、感而見於夢、亦其誠之形也。自是迂怪日聞、諛謔成俗、奸宄得志、而天下之理亂矣。人君心術可不慎哉。

集覽 蓋屋注見隋煬帝大業十三年。質實高宗恭默思道、誠心求賢、故夢帝賚之良弼。商書說命上篇恭默思道、夢帝賚予良弼。

書法

於是帝以夢求得之也。曷為夢之信。惑之深。發而為此也。然則其得之何旨。意所在。不得不可。書曰。得宜得也。

發明

國將興。聽於人。將亡。聽於神。自古清世。則有之。亦猶大明麗晝。則百怪咸伏。暮夜晦冥。則羣慝交作耳。玄宗誕謾荒忽。既夢老君之像。遣使求之。正使無有。則使者亦必附會。來上此固無可疑者。綱目書得而不言其所以得。譏之明矣。妖由人興。未幾遂有田同秀寶符之事。紛紛見於史冊。夫豈無自而然哉。

是

吐蕃入寇

吐蕃四十萬人寇。至安仁軍。騎將臧希液帥眾五千擊破之。

秋七月突厥殺其登利可汗

考異

殺當作弒

初登利從叔二人分典兵馬。號左右殺。登利惡其專。誘右殺。斬之。自將其眾。左殺判闕特勒。攻登利。殺之。骨咄葉護自立為可汗。上以突厥內亂。命羽林將軍孫老奴招諭回紇。葛邏祿。拔悉密等部落。見陳後主。禎明元年。

集覽

判闕特勒。左殺名。骨咄葉護。咄當沒反。骨咄名也。葉護注。

能 兵

文德

洛水溢

質實

洛水注見漢高后三年

湖死者千餘人

八月以安祿山為營州都督

祿山傾巧善事人，人多譽之，上左右至平盧者，祿山皆厚賂之，由是上益以為賢，又賂采訪使張利貞，利貞盛稱之，上乃以為營州都督，充平盧軍使。胡氏曰：以利合者，小人之事也。夫惟君子不可以貨取，故人主必昭儉德以照臨百官，清心寡欲，不殖貨利，而用君子立乎朝廷，則寵賂之門自塞矣。明皇自入宇文融之說，殫天下以自奉，故使祿山專以貨

寶交結左右，參養奸慝，所以治國者不以為利為利，為其生患之若此也。孟子對梁王以何必曰：利為其未流至於弑君篡國而猶不止也。**集覽**：傾巧，傾側，機巧也。**質實**：營州注見晉武帝太康二年昌黎

書法

自是祿山每事必書，詳亂本也。

冬十一月太尉寧王憲薨，追謚曰讓皇帝。**考異**

薨當作卒

憲薨，上哀恫特甚，曰：天下兄之天下也，固讓於我，為唐太伯，常名不足以處之，乃謚曰讓。

主德

通鑑綱目

卷四十三

唐玄宗開元二十九年

正編

正編

皇帝其子汝陽王璿集覽為唐太伯周太王長子曰太伯少曰

季歷生子名昌昌有聖瑞太伯知太王意欲立季歷以傳昌乃亡如荆蠻以讓季歷今寧

王以讓玄宗此可質實後主延熙十八年漢

為唐之太伯也書法以皇帝贈謚自太子弘始矣於是三

薨

兵

進

十二月吐蕃陷石堡城

壬午

天寶元年春正月以安祿山為平盧節度使

此唐室盛衰之交也十道節度竟成藩鎮禍根

兵多餉煩兩病之道

是時天下聲教所被之州三百三十一羈縻之州八百置十節度經畧使以備邊安西節度撫寧西域治龜茲城北庭節度防制突騎施堅昆治北庭都護府河西節度斷隔吐蕃突厥治涼州朔方節度捍禦突厥治靈州河東節度與朔方犄角以禦突厥治大原府范陽節度臨制奚契丹治幽州平盧節度鎮撫室韋靺鞨治營州隴右節度備禦吐蕃治鄯州劔南節度西抗吐蕃南撫蠻獠治益州嶺南五府經畧綏靜夷獠治廣州此外又有長樂經畧福州領之東萊收捉萊州領之東牟守捉登州領之凡鎮兵四十九萬人馬八萬餘匹開元之前每歲供邊兵衣糧費不過二百萬天寶之後益兵浸多每歲用衣千二十

萬匹糧百九十萬斛公私勞費民始困苦矣
范氏曰海內之地非不廣也財非不多也人
君不能清靜恭儉以待太平於其安也而勞
之於其富也而刻之是以天下之禍常基於
安富之時亂已成而猶不悟也豈
集覽 聲教
非好大多欲任失其人之咎歟
貢朔南暨聲教蔡氏傳曰聲謂風聲教謂教
化林氏曰振舉於此而遠者聞焉故謂之聲
軌範於此而遠者效焉故謂之教羈縻之州
自太宗平突厥西北諸蕃及蠻夷稍稍內屬
卽其部落列置州縣太者爲都督府其貢賦
版籍多不上戶部號曰羈縻凡府州八百五
十六龜茲城卽漢龜茲縣也注見漢桓帝永
壽元年堅昆注見漢宣帝黃龍元年室韋注

見隋恭帝義寧二年長樂郡名今福州長樂
縣是也州南六里有長樂山閩中記云地名
長樂居者安之東萊收捉收字誤當是守字
與下東牟守捉同按守捉卽團結營也唐制
兵之戍邊者大曰軍小曰守
實 靈州注見
捉曰城曰鎮而總之者曰道太宗貞觀
二十年河東郡名注見漢獻帝建安七年倚
角注見漢昭烈章武二年范陽郡名注見漢
帝玄更始二年涿郡益州注見晉武帝泰始
八年長樂郡名注見漢光武建武三年閩中
郡福州注同上文東萊郡名注見漢安帝永
初二年萊州注同上文東牟郡名注見開元
二十年
登州

穿三門運渠

質實

三門山名注見漢成帝綏和二年砥柱

○羣臣

請加尊號

求像得像
求符得符
明是使者
附會

陳王府叅軍田同秀言玄元皇帝告以藏靈符在尹喜故宅上遣使求得之羣臣上表以寶符潛應年號請於尊號加天寶字從之

集覽 玄元皇帝高宗乾老君廟尊為太上玄元皇帝藏靈符在尹喜故宅崔浩曰尹喜昔為散關令按散關在鳳翔府寶雞縣西列仙傳曰關令尹喜者周大夫也善學星宿服精華隱德行仁時人莫知老子西遊喜先見其氣知真人當過候物色而迹之果得老子老子亦知其可為著書言

道德之意五千餘言喜亦著書九篇名關令子與老子服巨勝實俱之流沙之西莫知其所終今田同秀故託言老子藏靈符在尹喜故宅耳按列子注尹喜字公度

質實 陳州名注見周赧王三十六年尹喜天水人周康王時為函谷關令東見紫氣乃占風知有神人過老子果至授喜鍊氣吐納之術三官正一之法復求著書於是為道德經以授之後仙成復與老子相會於蜀賜號文始先生

二月享玄元皇帝于新廟越三日享太廟越二

日合祀天地於南郊

質實

南郊注見漢後主建興十五年

書法 合祀非古也自是終唐世為永制矣。傳曰皇皇后帝皇祖后稷君子曰禮謂其祖親而先帝也唐於是重失之書曰越二日譏也。

○改官名

侍中中書令為左右相丞相改為僕射。東北都皆為京州為郡刺史為太守。

以田同秀為朝散大夫

時人皆疑寶符同秀所為也。間一歲清河人崔以清復言見玄元皇帝云藏符在武城紫微山。敕使往掘亦得之。東京留守王倕知其詐。按問果首服。奏之上亦不深罪也。范氏曰

紫微既偽尹喜豈得獨真特未經按問耳

明皇崇老喜仙故其大臣諛小臣欺蓋度其可為而為之也不惟信而惑之又賞以勸之則小人孰不欲為姦罔哉昔漢文一為新垣平所詐而終身不復言神仙之事可謂能補過也。**集覽** 為新垣平所詐漢文帝時趙人新垣平詐令人獻玉杯。**質實** 清河縣名注見漢帝玄更始二年武城縣名注見秦王政十四年

三月以韋堅為江淮租庸轉運使

初宇文融既敗言利者稍息及楊慎矜得幸於是韋堅王鉷之徒競以利進百司有事權者稍稍別置使以領之舊官充位而已堅太子之妃兄也督江淮租運歲增巨萬上以為

聚歛四臣宇文融楊慎矜韋堅王鉷

進

通鑑綱目 唐玄宗天寶元年 正編

能故擢任之。王鉞亦以善治租賦為戶部員外郎。

集覽 事權史作爭權

退

以盧絢嚴挺之為員外詹事

李林甫為相，凡才望功業出已右者，必百計去之。尤忌文學之士，或陽與之善而陰陷之。世謂林甫口有蜜，腹有劍。上嘗陳樂於勤政樓下，垂簾觀之。兵部侍郎盧絢謂上已起，垂鞭按轡，橫過樓下。絢風標清粹，上目送之。林甫知之，乃召絢子弟謂曰：交廣藉才，上欲以尊君為之。若憚遠行，則當左遷。姑以賓詹分務，東洛何如？絢懼請之，乃除華州刺史。未幾，誣其有疾，除員外詹事。上又嘗問林甫嚴挺之可用，今安在。挺之時為絳州刺史。林甫退

心知其入而一任林甫斥逐人謂一隙之明未泯吾謂昏莫甚焉

召挺之弟，諭以上意甚厚。蓋稱疾求還，可以見上。挺之從之。林甫以其奏曰：上云挺之老疾宜且授以散秩，以便醫藥。上

集覽 交廣籍才交廣

二州在廣東春秋百粵之地。秦置南海郡，漢武既定粵地，置交州。孫權以步騭為交州刺史，遷州於番禺。孫休以交州上壤太遠，徙交州理龍編，分交州置廣州。理番禺，隋改番州。唐置廣州，藉慈夜反，謂交廣邊遠，須藉有才之人。賓詹謂太子賓客及詹事官。

質實

勤政樓 注見開元二年絳州注見宋文帝元嘉二十三年東雍州

書法 員外詹事何以書病玄宗也。二臣帝所眷者，林甫以計去之，而帝殊不之

怪甚矣其蔽也故特書病之

發明

古人闢四門明四目達四聰非好爲是多事也所以通上下之情絕壅蔽之患耳盧絢嚴挺之近在目前無疾而謂之有疾由林甫蔽其聰明也故夫員外詹事不必書而特書之者所以著林甫之欺爲後世偏聽生奸獨任成亂之戒爾居人上者可

進

秋七月朔日食○牛仙客卒以李適之爲左相

○突厥阿布思來降

初突厥拔悉蜜回紇葛邏祿三部共攻骨咄葉護殺之立拔悉蜜爲頡跌可汗回紇葛邏祿自爲左右葉護突厥餘衆共立判闕持勒之子爲烏蘇可汗朔方節度使王忠嗣詔拔悉蜜等使攻之烏蘇遁去突厥西葉護阿布思等帥餘衆千餘帳相次來降突厥遂微

質實

王忠嗣鄭縣人

癸未 二年春正月安祿山入朝

安祿山入朝上寵待甚厚謁見無時祿山奏言去秋營州蟲食苗臣焚香祝天云臣若操心不正事君不忠願使蟲食臣心若不負神祇願使蟲散卽有羣鳥從北來食蟲立盡請

通鑑綱目

卷四十三

唐玄宗天寶二年

正編

正編

宣付史館從之李林甫領吏部尚書日在政
府選事悉委侍郎宋遙苗晉卿時選人集者
以萬計遙晉卿以御史中丞張倚得幸於上
擢其子爽為首祿山言於上上召入面試之
爽手持試紙終日不成一字時
人謂之曳白於是三人皆坐貶
也一字不能書惟對白紙直視
故號曳白又云即拖白是也

三月追尊周上御大夫為先天太皇皇孫為德

明皇帝

范氏曰老子之父書傳無見焉取方士附會
之說而追尊加謚不亦誣乎臯陶作士而作

史者以為大理既不經矣又以為李氏所出
而尊之尤非其族類也唐之先祖出於隴西
狄道非有世次可考而必託之上古以
耀于民非禮之禮適所以為後世笑也
臯陶作士臯陶舜時賢臣詳見虞書隴西郡
名注見秦王政三年狄道縣名注見漢高后
六年

廣運潭成加韋堅左散騎常侍

堅引漕水抵苑東望春樓下為潭以聚江淮
運船役夫匠通漕渠發人丘壟自江淮至京
城民間愁怨二年而成上幸樓觀之堅以新
船數百艘扁榜郡名各陳珍寶仍進輕貨及

通鑑綱目 卷四十三 唐玄宗天寶二年 正編

百牙盤食上置宴竟日而罷加堅常侍吏卒褒賞有差賜其潭名廣運

澶或作產顏師古曰澶水出京兆萬年縣藍田谷入霸括地志云澶水即荆海猶柳之下

流也扁榜扁補典反署也榜標也百牙盤食以牙盤進食至百數也時貴戚兢以進食相

尚一盤可費中人十家之產

在西安府城東一十五里源出藍田縣合金谷水北流入霸水

書法

凡功役書成久辭也於是鑿苑東引澶水二年而成則其用民力也多矣故書成然則其不書始鑿何畧之也一潭也而書成則久可知矣終綱目渠潭書成

三詳漢明帝永平十三年皆久也

甲申 三載春正月改年曰載○二月海賊寇台州

遣河南尹裴敦復討平之○以安祿山兼范陽

節度使

河北黜陟使席建侯稱祿山公直李林甫裴寬亦順旨稱譽其美由是祿山之寵益固

夏五月河西軍擊突騎施斬莫賀達干更立骨

咄祿為可汗○秋突厥亂冊回紇骨力裴羅為

懷仁可汗

拔悉蜜攻斬突厥烏蘇可汗國人立其弟為白眉可汗於是突厥大亂敕王忠嗣出兵乘之破其左廂十一部會回紇葛邏祿共攻拔悉蜜頡跌伊施可汗殺之回紇骨力裴羅自立為骨咄祿毗伽闕可汗遣使言狀上冊拜裴羅為懷仁可汗於是懷仁南據突厥故地舊統藥邏葛等九姓又併拔悉蜜葛邏祿凡十一部各置都督每戰則以二客部為先

九月以楊慎矜為御史中丞

初上以慎矜知御史中丞事時李林甫專權公卿之進有不出其門者必以罪去之慎矜

退

冬十二月貶裴寬為睢陽太守

固辭不受至是林甫以慎矜屈附於已復以為中丞

戶部尚書裴寬素為上所重李林甫忌之刑部尚書裴敦復擊台明海賊還受請託廣序軍功寬微奏其事林甫以告敦復敦復言寬亦嘗以親故為屬林甫曰君速奏之勿後於人敦復乃賂女官楊太真之姊使告之裴寬由是坐貶

質實

睢陽郡名注見漢後

始祀九宮貴神

主延熙十八年台明二州各台注見晉孝武太元二年臨海明注見僖宗乾符四年

初術士蘇嘉慶言遯甲術有九宮貴神典司水旱請立壇於東郊祀以四孟月從之禮在太清宮太廟上所

書法

始者何前乎此無有也帝之惑于神怪亦甚矣故書始譏之是故漢武親祀竈則書始元光二年玄宗祀九宮貴神則書始是年是後肅宗祀九宮不書上元元年非創也貶其始而已矣終綱目淫祀書始二而已

初令百姓十八為中二十三成丁

乙酉 四載春正月帝聞空中神語

言天寶以
李唐之亂
形漸著玄
宗至是神
魂恍惚念
慮乖即
貽訊萬世
所不顧矣

上謂宰臣曰朕於宮中為壇為百姓祈福自草黃素置案上俄飛升天聞空中語云聖壽延長又煉藥成置壇上及夜欲收又聞空中語云藥未須收此自守護羣臣表賀范氏曰明皇假於怪神以罔天下言之不怍而居之不疑何以其臣下不為欺乎是率天下而欺已也

書法

書帝聞何譏自欺也求神仙自秦皇帝此言乃自欺也繼是而有妙寶真符之得矣自欺者人亦欺之

發明

凡鬼神奇怪之事稍有識者耻言之惟巫覡託此以誑愚俗為罔利之資

耳。玄宗既夢得像，又以寶符而上尊號，又尊先天太皇，又祀九宮貴神。至是又聞空中神語，可謂恟恍之極。精爽既失，不亂得乎。直筆書之，可愧甚矣。

回紇懷仁可汗死

回紇懷仁可汗擊突厥，白眉可汗殺之，傳首京師。於是北邊晏然。回紇斥地愈廣，盡有突厥故地。懷仁卒，子磨延啜立，號葛勒可汗。

二月以朔方節度使王忠嗣兼河東節度使。

忠嗣少勇敢，及鎮方面，專以持重安邊為務。常曰：太平之將，但當撫循訓練士卒，不可疲

賢

印出萬全

借進

中國之力，以邀功名。軍中日夜思戰，忠嗣多遣間諜，見可勝，然後興師。故出必有功。既兼兩道，節制自朔方至雲中，邊陲數千里，要害之地，悉置城堡，斥地各數百里。邊人以為自張仁亶之後，**質實**雲中郡名，注見秦將帥皆不及。王政三年，鴈門

秋七月冊壽王妃韋氏，八月以楊太真為貴妃。

非復人類

初，武惠妃薨，後官無當意者。或言壽王妃楊氏之美，上見而悅之，乃令妃自以其意乞為女官，號太真，更為壽王娶。郎將韋昭訓女潛內太真宮中，不暮歲，寵遇如惠妃。宮中號曰娘子。凡儀體皆如皇后。至是冊為貴妃，贈其父玄琰兵部尚書，以從兄銛為殿中少監，錡

通鑑綱目

卷四十三

唐玄宗天寶四載

三

正編

楊國忠初見

通鑑綱目

卷四十三

百三十三

為駙馬都尉，三姊皆賜第京師，寵貴赫然。楊釗者，貴妃之從祖兄也，不學無行，為宗黨所鄙，從軍於蜀，貧不能歸。新政富民鮮于仲通常資給之，仲通頗讀書，有才智。章仇兼瓊引為采訪支使，委以心腹，嘗從容謂仲通曰：「今吾獨上所厚，苟無內援，李林甫必見危。」聞楊妃新得幸，子能為我結之，吾無患矣。仲通言釗本末，釗儀觀甚偉，言辭敏給，兼瓊見之大悅，即辟為推官，使獻春綵於京師，贖蜀貨直萬緡。釗大喜，過望，至長安，見諸妹，分以遺之。曰：「此章仇公所贈也。」於是諸楊日夜譽兼瓊，且言釗善擣捕，引之見上，得出入禁中，授金吾兵曹參軍。范氏曰：「明皇殺三子，納子婦，用李林甫為相，使族滅無罪之人，三綱絕矣。其

何以為天下乎

集覽

新政今閬州新政縣在利州東路儀觀儀容神觀也觀古玩反

擣捕注見晉明帝太寧三年捕博之具

質實

楊太真按許子真記太真容州普寧

縣雲陵里人父維母葉氏生妃有異質都部署楊康求為女時楊玄琰為長史又從康求為女擣歸京後進入壽王宮玄宗召為貴妃京師注見周顯王二十五年一統志云新政唐之縣名屬閬州本漢之充國縣地元併入南部縣故址在保寧府城東南一百三十里

書法

王妃不書前書冊壽王妃楊氏矣此其再書韋氏何著韋之繼楊也然則楊太真之為壽王妃明矣武氏為昭儀書太宗才人譏瀆倫也此其為瀆一也曷為

通鑑綱目

卷四十三

百三十三

正編

不書壽王妃書太真書太真所以志作偽之勞拙也終綱目冊王妃惟壽王再書舍是無書冊書壽王妃惟壽王再書舍

王妃者矣開元二十三年書冊壽王妃楊氏至

發明 是又冊韋氏則楊氏為壽王之偶已非一日明皇奪而有之則亂三綱絕滅天

理不可立於人上矣夫納伋之妻作新臺于河上而要之釋者謂伋妻自齊以來未

至於衛而宣公為臺以待其至是時國人猶且惡之烏有十年子婦而可奪之為已

有耶綱目直書其惡甚矣不遂為狄所滅豈非幸歟

九月以韋堅為刑部尚書楊慎矜為租庸轉運

使

堅以通漕有寵遂有入相之志又與李適之善林甫由是惡之故遷以美官實奪之權也

質實 李適之京兆人

安祿山討奚契丹破之 **考證** 討當作擊

祿山欲以邊功市寵數侵掠奚契丹奚契丹各殺所尚公主以叛祿山討破之

冬安祿山奏立李靖李勣廟

夢靈符聞
空語一唱
百和舉朝
何異魔魁

通鑑綱目 卷四十三

祿山奏臣討契丹至北平郡夢先朝名將李靖李勣從臣求食遂命立廟又奏薦享之日

廟梁〔北平郡〕注見
產芝〔質實〕秦王政三年

書法丞相亮廟習隆請立也不書某請此其書祿山奏立何著欺也祿山前奏

致鳥食蟲今奏夢從求食及廟梁產芝皆欺也其謫若此猶以赤心信之不至於大

亂不止矣

發明英衛唐之名臣使見祿山則必唾去惟恐或後烏有反從求食之理其為

誣罔蓋不待智者而後知也然祿山所以敢肆其欺者亦以玄宗自為妖怪恟恍之

說故乘而譎之耳綱目特書奏立奏在祿山而聽在玄宗蓋亦交貶之也

以王鉞為京畿采訪使

初鉞為戶口色役使敕賜百姓復除鉞奏徵其輦運之費廣張錢數使市輕貨百姓所輸乃甚於不復除舊制戍邊者免其租庸六歲而更時邊將耻敗士卒死者皆不申牒貫籍不除王鉞皆以為避課六歲之外悉徵其租庸有併徵三十年者民無所訴上在位久用度日後又不欲數於左右藏取之鉞知上旨歲貢額外錢帛百億萬貯於內庫以供宴賜曰此皆不出於租庸調上以鉞為能富國益厚遇之中外歎怨至是以為御史中丞京畿

帶徵至三
十年不致
生亂倒戈
幸矣
王鉞聚斂

通鑑綱目 卷四十三 唐玄宗天寶四載

王鉞

正編

采訪使楊釗侍宴禁中，專掌樗蒲文簿，鈎校精密，上賞其彊明，曰：「好度支郎諸楊，數徵此言於上，又以屬王。」
集覽 色役使色，科名也。使銜，銜因奏充判官。
役者，復除。復，芳目反，亦除也。謂除免其賦。役也。租庸調。高祖武德七年初定租庸調。

實 京畿注見太宗貞觀五年

丙戌五載春正月貶韋堅為縉雲太守皇南惟明

為播州太守

李適之性疎率，李林甫嘗謂之曰：「華山有金礦，采之可以富國，上未之知也。」他日適之言

之上，上以問林甫，對曰：「臣久知之，但華山陛下本命王氣所在，鑿之非宜，故不敢言。」上以林甫為愛已，謂適之曰：「自今奏事宜先與林甫議之。」適之由是束手，而與韋堅益親。林甫愈惡之，初太子之立，非林甫意，林甫思異日為已禍，欲動搖之。隴右節度使皇甫惟明嘗為忠王友，時破吐蕃入獻捷，見林甫專權，勸上去之。林甫知之，使楊慎矜密伺其所為。會正月望夜，太子出游，與堅相見，堅又與惟明會於景龍觀，慎矜遂告堅與惟明謀立太子，收於景龍觀，慎矜遂告堅與惟明謀立太子，收下獄。林甫使慎矜等鞫之，上亦疑堅與惟明有謀而不顯其罪，皆貶之。親黨坐者數十人。太子表請與妃離昏。
集覽 縉雲古縉雲之墟，越地，吳立臨海郡，唐玄宗改縉雲郡，德

宗改為處州大曆間以處士星見故也播州本西南徼外蠻夜郎且蘭地唐置播州在湖廣溪洞中疎率麓疎率略也顏師古曰疎率心不精王氣王興也太玄經曰五行用事者王

質實 注見漢武帝元光五年牂牁華山注見周安王十五年泰華

以王忠嗣為河西隴右朔方河東節度使

忠嗣始在朔方河東每互市高估馬價諸胡聞之爭以馬求市由是胡馬少唐兵益壯忠嗣杖四節控制萬里天下勁兵重鎮皆在掌握與吐蕃戰於青海積石皆大捷又討吐谷

能進

渾於墨離軍虜其全部而歸

集覽 青海注見高宗儀鳳三年積石注見太宗貞觀九年墨離軍括地志云瓜州西北千里有墨離軍即其地也

夏四月李適之罷

韋堅等既貶適之懼自求散地罷政事其子衛尉少卿雪嘗召客客畏李林甫無一人敢往者初適之與林甫有隙適之領兵部尚書林甫使人發兵部銓曹奸利事收吏六十餘人付京兆京兆尹蕭炅使法曹吉溫鞠之溫置吏於外先取二重囚訊之號呼之聲所不忍聞吏聞之大懼引入皆自誣服頃刻獄成敕誚責前後知銓侍郎及判南曹郎官而宥

退

之始太子文學薛稷薦温才上召見顧疑曰
是一不良人朕不用也及林甫欲除不附已
者求治獄吏吳薦温於林甫林甫大喜温項
之兄子也又有羅希奭者為吏深刻林甫引
為殿中侍御史二人皆隨林甫所欲深淺鍛
鍊成獄無能自脫者時人謂之羅鉗吉網
集覽散地猶言閑處也〔書〕胡甲反〔鍛鍊成獄〕
吏入人罪猶工冶陶鑄鍛鍊成熟也

質實 吉温洛州河南人

以陳希烈同平章事

希烈以講老莊得進專用神仙符瑞媚於上
李林甫以希烈柔佞易制故引以為相政事

一決於林甫希烈但給唯諾故事宰相午後
六刻乃出林甫奏今太平無事已時即還第
機務皆決於私家主書抱〔質實〕老莊注見晉
成案詣希烈書名而已〔質實〕成帝咸康三
年

五月朔日食○秋七月敕左降官日馳十驛

以流貶人在道逗遛故有是〔質實〕逗遛注見
敕自是左降官多不全矣〔質實〕漢宣帝本

始三年

加嶺南經略使張九章三品以王翼為戶部侍

以此殺忠賢慘酷極矣

進
唐玄宗天寶五載
正編

郎

楊貴妃方有寵，每乘馬，則高力士執轡授鞭，織繡之工，專供貴妃院者七百人，中外爭獻珍玩，九章翼所獻精美，九章加三品，翼為戶部侍郎，民間歌之曰：生男勿喜，女勿悲，君今看女作門楣，妃欲得生荔枝，歲命嶺南馳驛，致之，嘗以妬悍不遜，送歸銛第，上遂不食，及夜，力士奏請迎妃歸院，遂開禁門而入，後復以忤旨遣歸，吉温因宦官言於上曰：陛下何愛宮中一席之地，使之就死，而辱之於外舍邪？上亦悔之，遣中使賜以御膳，妃對使者涕泣曰：金玉珍玩，皆陛下所賜，惟髮者父母所與，乃剪髮一縑而獻之，上遽召還，寵待益深。

冬殺驍衛兵曹柳勣贊善大夫杜有鄰

有憐女為太子良娣，其長女為勣妻，勣性狂疎，好功名，喜結交豪俊，淄川太守裴敦復、北海太守李邕皆與定交，勣與妻族不協，欲陷之，為飛語告有隣，妄稱圖讖，交構東宮，指斥乘輿，林甫令吉温鞠之，乃勣首謀，遂與有隣皆杖死，太子亦出良娣為庶人。

集覽

贊善大夫，唐東宮官，有左右贊善大夫各五人，掌傳令，諷過失，贊禮儀。飛語，猶言飛狀。注見開元十七年。圖讖，注見漢平帝元始四年。指斥，斥亦指也，指斥，溲瀆，直言之也。

質

實 淄川郡名，注見宋明帝泰始三年。北海郡名，注見漢桓帝永康元年。青州東宮，注見

宋文帝元嘉二十七年

書法

於是勸為飛語以陷有隣，有隣以無實書殺，宜也。勸則曷為亦以殺書殺？不以其罪也。有隣女為太子良娣，其長女為勸妻，林甫故實其事以陷太子，因使吉温奏勸首謀，故勸雖傾險，綱目舍勸，所以惡林甫也。書之以殺，而後有任其咎者矣。

丁亥六載春正月殺北海太守李邕及皇南惟明

韋堅等王琚李適之自殺

江華司馬王琚性豪侈，與李邕皆自謂耆舊，久在外，意怏怏。李林甫惡其負材，使氣欲因

觀藏用先見之明則知邕輩亦是自取

事除之，因別遣羅希奭按邕與裴敦復皆杖死。邕才藝出眾，盧藏用常語之曰：君如干將，莫邪難與爭鋒。然終虞缺折耳。邕不能用，林甫又奏分遣御史賜皇甫惟明、韋堅等死。希奭所過殺遷謫者，李適之仰藥，琚自縊，適之子雲迎喪至東京。林甫令人誣告殺之，給事中房琯坐與適之善，貶宜春太守。林甫恨韋堅不已，遣使於循河及江淮州縣求堅罪，收繫綱典，船夫徵剝逋負，延及隣伍，死者甚眾。至林甫卒乃止。

集覽

干將莫邪，正義曰：干將，莫邪，二劍名也。將，無明音。但人皆讀作鏘邪。余遮反。漢書音義曰：干將，韓王劍師也。索隱曰：應劭云：干將，吳大夫善冶者，與歐冶子同師，俱能為劍。歐冶子在越，鑄劍五口，三口入於

吳一曰盤郢二曰魚腸三曰湛盧吳王闔廬
得而寶之以故使劍匠作劍二口匠作劍不
成于將曰昔吾師作冶金鐵之精不銷夫妻
俱入爐中然後成物於是其妻乃斷髮剪爪
與夫望爐俱躍遂投爐中乃成故陽曰于將
陰曰莫邪陽作龍文陰作漫理終虞虞慮也
所過殺遷謫者羅希夷所經過處應有坐
遷謫者盡殺之綱典主漕運案牘之吏

質

實江華郡名注見中宗嗣聖七年道州房瑄
河南人宜春郡名注見高宗儀鳳元年

書法

於是邕與敦復皆以勳黨坐杖死不
書敦復何畧之也曷為畧之敦復林
甫黨也黨於林甫而卒為所殺亦自取矣
故不書然則王琚適之則曷為止以自殺

書上書殺某某下書某某自
殺則其自殺也有迫之而然矣

發明

世之治也昆蟲草木皆得其生世之
亂也公卿大夫不得其死觀綱目所
書自柳勣杜有鄰以至李邕王琚李適之
等皆當時薦紳不免無罪見殺則民之無
告而死者又可知矣古人亂邦不居無道
則隱蓋為此也雖然明皇蔽於林甫雖愛
子猶且不免况大夫士乎

除絞斬條

上慕好生之名令應絞斬者皆重
杖流嶺南其實有司率杖殺之

書法

書予之也。綱目卹刑之政書除十。詳漢惠帝四年皆予之也。

令天下嫁母服三載

考異

提要嫁上有為字

集覽

嫁母服三

載嫁母。謂父卒母嫁。禮降服杖期。今乃令天下為嫁母服三年。文公家禮曰子為父後則為嫁母無服。

書法

嘗敕五服並從經傳矣。既又加母黨服。於是又令嫁母服三載。綱目備書

之得失昭然矣。

發明

自武韋增加母服。屢見譏於君子。然婦人自崇其黨。無足言者。今玄宗乃

無故令天下嫁母服三載。果何謂哉。夫嫁母於義已絕。猶增重如此。則逮事之母當如何耶。此於理不通而不可以強推者。是不獨知母而不知父而已。大書于冊。可勝歎哉。

○令士通一藝以上皆詣京師

上欲廣求天下之士。命通一藝以上。皆詣京師。李林甫恐草野之士對策斥其奸惡。建言舉人卑賤。恐有俚言污濁聖聽。乃令郡縣精加試練。送省覆試。具名聞奏。既而至者。皆試以詩賦論。遂無一人及第者。林甫乃以野無遺賢。上表稱賀。

書法

於是林甫艱之覆試無一人及第者則其書之何甚玄宗之暗也終綱目書舉經士六詳漢平帝元始四年具文無如天寶者矣

以安祿山兼御史大夫

祿山體肥腹垂過膝外若癡直內實狡黠令其將劉駱谷留京師訶朝廷指趣歲獻俘虜雜畜奇禽異獸珍玩之物不絕於路其在上前應對敏給雜以詼諧上嘗戲指其腹曰此胡腹中何所有其大乃爾對曰更無餘物止有赤心耳上悅又嘗命見太子祿山不拜左右趣之拜祿山曰太子何官上曰此儲君也朕千秋萬歲後代朕君汝者也祿山曰臣愚

無君

無君

鼻者唯知有陛下一人不知乃更有儲君不得已然後拜上以為信然益愛之上嘗宴勤政樓獨祿山於御座東間設金鷄障置榻使坐其前命楊銛梯弟皆與祿山敘兄弟祿山得出入禁中因請為貴妃兒上與貴妃共坐祿山先拜貴妃上問何故對曰胡人先母而後父

質實

恢諧注見漢武上悅帝建元三年

發明

祿山胡人目不知書御史大夫乃風憲之長朝廷清選以之兼職可謂非其倫矣直筆書之亦足貽千古之笑也

夏四月王忠嗣解河東朔方節度

退

有識

李林甫以忠嗣功名日盛恐其入相忌之安祿山潛蓄異志託以禦寇築雄武城請忠嗣助役欲留其兵忠嗣先期而往不見祿山而還數奏祿山必反林甫益惡之忠嗣固辭河東朔方節度許之

冬十月如驪山溫泉名其宮曰華清

考異

如上乘帝

字

質實

驪山注見秦始皇三十七年一統志云溫泉在西安府臨潼縣東南二里驪山之麓秦始皇於此砌石起宇漢武重加修飾華清宮在驪山下唐太宗所建以溫湯所在初名溫泉宮玄宗改曰華清治湯為池環山列宮室每歲臨幸內有飛霜九龍長生明珠等殿久廢

今湯存焉

今湯存焉

書法

矣

未有書名其宮者書名其宮何譏溺愛也與前書更集仙為集賢者大異

○將軍董延光攻吐蕃石堡城不克十一月以

哥舒翰充隴右節度使貶王忠嗣為漢陽太守

王忠嗣以部將哥舒翰為大斗軍副使李光弼為河西兵馬使翰本突騎施別部首長光弼契丹王楷洛之子也皆以勇畧為忠嗣所重每歲積石軍麥熟吐蕃輒來獲之無能禦

王忠嗣二部將哥舒翰李光弼初見

能

通鑑綱目 卷四十三
者。翰先伏兵於其側。虜至。斷其後來。擊之。無一人得返。自是不敢復來。上欲使忠嗣攻吐蕃石堡城。忠嗣上言石堡險固。吐蕃舉國守之。非殺數萬人不能克。臣恐所得不如所亡。不如厲兵秣馬。俟其有釁。然後取之。上意不快。將軍董延光請行。上命忠嗣分兵助之。忠嗣不得已奉詔而不盡。如其所欲。李光弼曰。大夫以多殺士卒之故。不欲成延光之功。雖迫於制書。實奪其謀也。何以知之。今以數萬眾授之。而不立重賞。士卒安肯為之。盡力乎。然此天子之意也。彼無功必歸罪於大夫。大夫何愛數萬段帛。不以杜其讒口乎。忠嗣曰。今以數萬之眾爭一城。得之未足以制敵。不得亦無害於國。故忠嗣不欲為之。忠嗣今受

賢

危哉太子
不為三子
之續

士氣

責天子。不過以一將軍歸宿衛。其次不過黔中上佐。忠嗣豈以數萬人之命易一官乎。光弼曰。大夫能行古人之事。非光弼所及也。延光過期不克。言忠嗣沮撓軍計。上怒。李林甫因使人告忠嗣欲擁兵奉太子。敕徵忠嗣入朝。委三司鞠之。上聞哥舒翰名。召見悅之。以為隴右節度使。而詔三司曰。吾兒居深宮。安得與外人通謀。此必妄也。但劾忠嗣沮撓軍功。翰之入朝也。或勸多齎金帛以救忠嗣。翰曰。若直道尚存。王公必不寬死。如其將喪。多賂何為。三司奏忠嗣罪當死。翰力陳其冤。上感悟。貶忠嗣漢陽太守。范氏曰。王忠嗣可謂賢將矣。不為無益害有益。不以所得易所亡。不顧一身之危。而惜士卒之命。其可謂賢將

明哲保身
李有焉

矣。然忠嗣知石堡之不可取，莫若固守前議，均之得罪，不亦宜乎？既而勉奉詔，而復撓其謀，使讒人得以藉口，豈忠嗣思之未至耶？○李林甫屢起大獄，以楊釗有掖庭之親，乃引以為援，事有微涉東宮者，皆指撻使之奏劾。付羅希奭、吉溫鞫之，釗因得逞其私志，所擠陷誅夷者數百家，幸太子仁孝謹靜，張垆高力士常保護於上前，故林甫終不能間也。

集覽

哥舒翰，哥舒虜，複姓元和姓纂云：哥舒本突騎施別部之號，後因為氏焉。天斗軍涼州有大斗軍，因大斗拔谷為名。黔中上佐黔中，注見周顯王七年上佐官名也。別駕長史司馬，通謂之上佐。指，指實。哥舒翰營州，柳城人。積石，指指示挑撻也。垆，其致反。

軍莫詳處所，惟河州衛軍民指揮使司城西，北一百二十里，有積石關。唐置軍於此，防守未知是否。智者察焉。厲兵秣馬，注見晉孝武太元十七年。漢陽郡，名本春秋郟國地，戰國屬楚，秦屬南郡，漢為江夏郡，安陸縣地。三國屬魏，後屬吳，皆為重鎮。晉立沌陽縣為江夏郡治，後郡移治安陸縣。宋齊梁並屬江夏郡，後周屬竟陵郡，隋屬復州。大業初屬沔陽郡。唐置沔州治漢陽縣，天寶初改漢陽郡。乾元初復為沔州。寶曆初州廢。周世宗平淮南，以漢陽縣置軍，宋熙寧中廢為縣。紹興中復置軍，元至元中陞為漢陽府。本朝因之，隸湖廣道。掖庭，注見漢光武建武二年。

通鑑綱目 卷四十三 唐玄宗天寶六載 正編

殺戶部侍郎楊慎矜

取禍之道

慎矜為上所厚，李林甫浸忌之。慎矜與王鉷，父中表兄弟也。故引鉷入臺，及鉷遷中丞，慎矜猶名之。鉷意不平，慎矜不之覺也。嘗與之私語，識書。慎矜與術士史敬忠善，敬忠言天下將亂，勸慎矜於臨汝山中買莊避亂。林甫知鉷與慎矜有隙，誘使圖之。鉷乃遣人以飛語告慎矜，隋煬帝孫與凶人往來，家有識書，謀復祖業。上大怒，收慎矜繫獄，命楊釗、盧鉉同鞠之。使吉溫捕敬忠於汝州，敬忠與溫父善。溫幼時，敬忠常抱撫之。及捕獲溫，不與語，鎖其頸，驅之馬前，使吏誘之曰：「楊慎矜已歛服，惟須子一辨，解意則生，不然必死。」敬忠求

古今最傷心事

慎矜以聚歛媚主卒亦不免

紙溫不答，敬忠懇請哀切，乃令答辨，還鞠。慎矜引以為證，慎矜皆引服。惟搜識書不獲，使盧鉉入長安搜其家，鉉袖識書入闇中，出詬曰：「逆賊深藏祕記，以示慎矜，歎曰：吾不蓄識書，此何從在吾家哉？吾應死而已。」於是兄弟皆賜死，妻子流嶺南，連坐者數十人。

集

覽 與王鉷父中表兄弟，王鉷之父名晉，中表兄弟也。舅之子，內兄弟也。爾雅：姑之子，外兄弟也。舅之子，內兄弟也。又魏楊阜稱外兄姜敘，而皇甫謐列女傳云：姜敘，姑子楊阜，則舅子稱姑子為外兄弟，姑子稱舅子為內兄弟。

或曰：兩姨之子為外兄弟，姑舅之子為內兄弟。弟，臨汝，河南汝州屬縣名。今汝州梁縣是，有臨汝店。

質實

一統志云：臨汝縣名，唐初

所置屬汝州後廢之故城在南陽府汝州西南六十里汝州注見漢光武建武二年梁縣

書法 慎矜培克罪人也書爵書殺何甚林甫也慎矜私語讖書信有罪矣不至

殺也誣而殺之甚矣

十二月以天下歲貢賜李林甫

命百官闕歲貢物於尚書省悉以車載賜李林甫上或時不視朝百司悉集林甫第門臺省為空林甫子岫為將作監頗以滿盈為懼嘗從林甫遊後園指役夫言曰大人久處鈞軸怨仇滿天下一朝禍至欲為此得乎林甫不樂曰勢已如此將若之何先是宰相皆以

賢
不意奸臣
有此子

德度自處騶從不過數人林甫自以多結怨常虞刺客出則步騎百餘人為左右翼金吾靜街前驅在數百步外居則重關復壁如防大敵一夕屢徙牀雖家人莫知其處

覽 鈞軸鈞陶瓦輪也其中旋轉者取周回調均之儀軸車軸也所以持輪者鈞軸皆在

物之要者故謂宰相秉鈞當軸言其居中用事也左右翼顏師古曰旁引其騎若鳥翼之為也罩左翼曰啓右翼曰肱楚辭天問篇曰並驅擊翼何以將之文公集註云六韜曰翼其兩旁疾擊其後金吾注見漢武帝太初元年又注見漢光武建武十二年

書法 書病玄宗也自書籍以來未有此賜矣綱目書賜金三賜銀器一賜錢一

賜穀二、賜帛四、賜服二、賜錦綵一、賜絲一、賜物一、未有大於此者也。

發明

自林甫專政，至是十有二年，凡見於綱目所書者，初無一善可紀而玄宗

方且倚之為股肱心膂，若何而不亡哉！書以天下歲貢賜林甫，蓋自古所無也。使林甫而果賢者，其可以貨取乎？

以高仙芝為安西四鎮節度使

仙芝本高麗人，從軍安西，驍勇善騎射，累官四鎮節度副使。小勃律王及其旁二十餘國皆附吐蕃，貢獻不入。討之不克，制以仙芝為行營節度使，討之。自安西行百餘日，至連雲

堡破之，遣將軍席元慶將千騎前行，謂曰：小勃律聞大軍至，其君臣百姓必走山谷。第呼取出，繒帛稱敕賜之。大臣至，盡縛之，以待我。元慶如其言，仙芝至，斬其附吐蕃者數人。急遣元慶往斫娑夷藤橋，甫畢而吐蕃救至。娑夷即弱水，不能勝草芥，滕橋濶盡一矢力。修之暮年乃成。仙芝虜小勃律王及吐蕃公主而還。上以仙芝為安西四鎮節度使，仙芝署封常清判官，任以軍事。自唐興以來，邊帥皆用忠厚名臣，不久任，不遙領，不兼統，功名著者，往往入為宰相，其四夷之將雖才畧如阿史那社爾、契苾何力，猶不專大將之任，皆以大臣為使以制之。及開元中，天子有吞四夷之志，為邊將者十餘年不易，始久任矣。皇子

開元盡變
唐初邊帥
之制

原祿山之
反由于林
甫是史臣
著眼處

則慶忠諸王宰相則蕭嵩牛仙客始遙領矣
蓋嘉運王忠嗣專制數道始兼統矣李林甫
欲杜邊帥入相之路以胡人不知書乃奏言
文臣為將怯當矢石不若用寒族胡人胡人
則勇決習戰寒族則孤立無黨陛下誠以恩
洽其心彼必能為朝廷盡死上悅其言始用
安祿山至是諸道節度使盡用胡人精兵咸
戍北邊天下之勢偏重卒使祿山傾覆天下
皆出于林甫專寵固位之謀也范氏曰明皇
蔽于吞滅四夷欲求一切之功是以林甫得
以行其計人君苟不能以義集覽小勃律注
制欲迷而不復何所不至哉見開元十
年第呼句絕第但也但呼之令其出也第通
作第漢酈食其傳第言之陳勝傳第令毋斬

契苾何力契苾虜複姓何力其名契詰歷反
苾蒲結反慶忠慶王名琮忠王即肅宗也名
亨並領節度不出閣一切之功正誤第呼取
一切注見漢順帝陽嘉元年出繒帛

稱敕賜之今按通鑑本文作第呼
出取繒帛賜之綱目倒出字也質實高麗
東夷

國名注見漢武帝元封二年朝鮮安西四鎮
注見高宗永淳元年弱水注見宋武帝元嘉
六年阿史那社爾突厥處羅可汗之子貞觀
十年率眾入朝授左騎衛大將軍契苾何力
鐵勒莫賀可汗之孫貞觀六
年率眾內附擢左領軍將軍

書法 至是諸道節度多胡
人矣林甫為之也



大英林南泰之

至長結誤有

六平河出

茲吳高宗

出軍餘

一以出

資治通鑑綱目卷之四十三

下冊

